

Draft Release Version

---

ओं नमः परमात्मने, श्री महागणपतये नमः

श्री गुरुभ्यो नमः

हरिः ओं

कृष्ण यजुर्वेदीय तैत्तिरीय संहिता क्रम पाठः

पञ्चम काण्डे, चतुर्थः प्रश्नः

---

## Table of Contents

5 कृष्ण यजुर्वेदीय तैत्तिरीय संहिता क्रम पाठः.....	3
5.4 पञ्चम काण्डे चतुर्थः प्रश्नः – इष्टकात्रयाभिधानं.....	3

=====

ओं नमः परमात्मने, श्री महागणपतये नमः

श्री गुरुभ्यो नमः, हरिः ओं

5 कृष्ण यजुर्वेदीय तैत्तिरीय संहिता क्रम पाठः

5.4 पञ्चम काण्डे चतुर्थः प्रश्नः – इष्टकात्रयाभिधानं

TS 5.4.1.1 - Kramam

दे॒वा॒सु॒राः॑ सम्॒य॑त्ताः । दे॒वा॒सु॒रा॑ इति॑ दे॒व – अ॒सु॒राः॑ । सम्॒य॑त्ता  
आसन् । सम्॒य॑त्ता इति॑ सम् – य॒त्ताः॑ । आ॒सन्॑ ते । ते न । न वि ।  
व्य॒ज॒यन्त॑ । अ॒ज॒यन्त॑ सः । स ए॒ताः॑ । ए॒ता इन्द्रः॑ । इन्द्र॑स्त॒नूः ।  
त॒नूर॑पश्यत् । अ॒प॒श्यत्॑ ताः । ता उप । उपा॑धत्त । अ॒धत्त॑ ताभिः ।  
ताभि॑र् वै । वै सः । स त॒नु॒वम्॑ । त॒नु॒वमिन्द्रि॑यम् । इन्द्रि॑यम् वी॒र्य॑म् ।  
वी॒र्य॑मात्मन् । आ॒त्म॒न्न॑धत्त । अ॒धत्त॑ ततः । ततो॑ दे॒वाः । दे॒वा अ॑भवन् ।  
अ॑भवन् परा॑ । परा॑ऽसु॒राः । अ॒सु॒रा यत् । यदिन्द्र॑त॒नूः ।  
इन्द्र॑त॒नूरु॑प॒दधा॑ति । इन्द्र॑त॒नूरि॑तीन्द्र – त॒नूः । उ॒प॒दधा॑ति त॒नु॒वम् ।  
उ॒प॒दधा॑तीत्युप – दधा॑ति । त॒नु॒वमे॒व । ए॒व ताभिः॑ । ताभि॑रिन्द्रि॒यम् ।  
इन्द्रि॑यम् वी॒र्य॑म् । वी॒र्य॑म् य॒ज॒मानः॑ । य॒ज॒मान॑ आ॒त्मन् ।

## तैत्तिरीय संहिता क्रम पाठे (TS 5.4)

आ॒त्मन् ध॑त्ते । ध॒त्तेऽथो॑ ॥ अथो॒ सेन्द्र॑म् । अथो॒ इत्यथो॑ ॥ सेन्द्र॑मे॒व ।  
सेन्द्र॑मि॒ति स-इन्द्र॑म् । ए॒वाग्नि॑म् । अ॒ग्निꣳ स॑तनुम् । स॑तनुम् चि॒नुते॑ ।  
स॑तनुमि॒ति स - त॒नुम् । चि॒नुते॑ भवति । भव॑त्यात्म॒ना ॥ आ॒त्म॒ना॒ परा॑ ॥  
परा॑ऽस्य । अ॒स्य भ्रा॑तृव्यः । भ्रा॑तृव्यो भवति । 1 (50/57)

### **TS 5.4.1.2 - Kramam**

भव॑ति य॒ज्ञः । य॒ज्ञो दे॒वेभ्यः॑ । दे॒वेभ्योऽप॑ । अ॒पाक्राम॑त् । अ॒क्राम॑त्  
तम् । तम॑व॒रुध॑म् । अ॒व॒रुध॑म् न । अ॒व॒रुध॑मित्य॒व - रु॒धम् ॥  
नाश॑क्नुवन् । अ॒शुक्नु॑वन् ते । त ए॒ताः । ए॒ता य॒ज्ञत॒नूः ।  
य॒ज्ञत॒नूर॑पश्यन् । य॒ज्ञत॒नूरि॑ति य॒ज्ञ-त॒नूः । अ॒पश्य॑न् ताः । ता उ॒प ।  
उपा॑दधत । अ॒दध॑त ताभिः । ताभि॑र् वै । वै ते । ते य॒ज्ञम् । य॒ज्ञम॑व ।  
अवा॑रुन्धत । अ॒रुन्ध॑त यत् । यद् य॒ज्ञत॒नूः । य॒ज्ञत॒नूरु॑प॒दधा॑ति ।  
य॒ज्ञत॒नूरि॑ति य॒ज्ञ - त॒नूः । उ॒प॒दधा॑ति य॒ज्ञम् ।  
उ॒प॒दधा॑तीत्यु॒प - दधा॑ति । य॒ज्ञमे॒व । ए॒व ताभिः॑ । ताभि॑र् य॒ज॒मानः॑ ।  
य॒ज॒मा॒नोऽव॑ । अ॒व रु॒न्धे । रु॒न्धे त्र॑यस्त्रिंश॒तम् । त्र॑यस्त्रिंश॒तमु॑प ।  
त्र॑यस्त्रिंश॒तमि॒ति त्र॑यः - त्रिंश॒तम् । उ॒प दधा॑ति ।  
दधा॑ति त्र॑यस्त्रिंश॒त् । त्र॑यस्त्रिंश॒द् वै ।

पञ्चम काण्डे, चतुर्थः प्रश्नः – (TS 5.4)

त्रयस्त्रिंशदिति त्रयः – त्रिंशत् । वै देवताः । देवता देवताः ।  
देवता एव । एवाव । अव रुन्धे । रुन्धेऽथो । अथो सात्मानम् । अथो  
इत्यथो । सात्मानमेव । सात्मानमिति स – आत्मानम् । एवाग्निम् ।  
अग्निं सतनुम् । सतनुम् चिनुते । सतनुमिति स – तनुम् ।  
चिनुते सात्मा । सात्माऽमुष्मिन् । सात्मेति स – आत्मा ।  
अमुष्मिन् लोके । लोके भवति । 2 (50/60)

**TS 5.4.1.3 - Kramam**

भवति यः । य एवम् । एवम् वेद । वेद ज्योतिष्मतीः ।  
ज्योतिष्मतीरुप । उप दधाति । दधाति ज्योतिः । ज्योतिरेव ।  
एवास्मिन् । अस्मिन् दधाति । दधात्येताभिः । एताभिर् वै ।  
वा अग्निः । अग्निश्चितः । चितो ज्वलति । ज्वलति ताभिः ।  
ताभिरेव । एवैनम् । एनं सम् । समिन्धे । इन्ध उभयोः ।  
उभयोरस्मै । अस्मै लोकयोः । लोकयोर् ज्योतिः । ज्योतिर् भवति ।  
भवति नक्षत्रेष्टकाः । नक्षत्रेष्टका उप । नक्षत्रेष्टका इति  
नक्षत्र – इष्टकाः । उप दधाति । दधात्येतानि । एतानि वै । वै दिवः ।  
दिवो ज्योतींषि । ज्योतींषि तानि । तान्येव । एवाव । अव रुन्धे ।

रुन्धे सुकृताम् । सुकृताम् वै । सुकृतामिति सु - कृताम् ।  
 वा एतानि । एतानि ज्योतींषि । ज्योतींषि यत् । यन् नक्षत्राणि ।  
 नक्षत्राणि तानि । तान्येव । एवाप्नोति । आप्नोत्यथो ।  
 अथो अनूकाशम् । अथो इत्यथो । अनूकाशमेव ।  
 अनूकाशमित्यनु - काशम् । एवैतानि ( ) ।

एतानि ज्योतींषि । 3 (50/54)

**TS 5.4.1.4 - Kramam**

ज्योतींषि कुरुते । कुरुते सुवर्गस्य । सुवर्गस्य लोकस्य ।  
 सुवर्गस्येति सुवः - गस्य । लोकस्यानुख्यात्यै । अनुख्यात्यै यत् ।  
 अनुख्यात्या इत्यनु - ख्यात्यै । यथ् सञ्स्पृष्टाः । सञ्स्पृष्टा  
 उपदद्ध्यात् । सञ्स्पृष्टा इति सम् - स्पृष्टाः । उपदद्ध्याद् वृष्ट्यै ।  
 उपदद्ध्यादित्युप - दद्ध्यात् । वृष्ट्यै लोकम् । लोकमपि । अपि  
 दद्ध्यात् । दद्ध्यादवर्षुकः । अवर्षुकः पर्जन्यः । पर्जन्यः स्यात् ।  
 स्यादसञ्स्पृष्टाः । असञ्स्पृष्टा उप । असञ्स्पृष्टा  
 इत्यसम् - स्पृष्टाः । उप दधाति । दधाति वृष्ट्यै । वृष्ट्या एव ।  
 एव लोकम् । लोकम् करोति । करोति वर्षुकः ।

वर्षुकः॑ पर्जन्यः॑ । पर्जन्यो॑ भवति । भवति॑ पुरस्तात्॑ ॥  
 पुरस्ताद॑न्याः । अन्याः॑ प्रतीचीः॑ । प्रतीची॑रुप । उप॑ दधाति ।  
 दधाति॑ पश्चात् । पश्चाद॑न्याः । अन्याः॑ प्राचीः॑ । प्राची॑ स्तस्मात्॑ ॥  
 तस्मात्॑ प्राची॑नानि । प्राची॑नानि च । च॑ प्रतीची॑नानि ।  
 प्रतीची॑नानि च । च॑ नक्षत्राणि । नक्षत्रा॑ण्या । आ॑ वर्तन्ते ।  
 वर्तन्त॑ इति॑ वर्तन्ते ॥ 4 (41/46)

(भ्रातृ॑व्यो – लोक – ए॒वैतान्ये – क॑चत्वारि॑ञ्शच्च) (A1)

**TS 5.4.2.1 - Kramam**

ऋ॒त॒व्या॑ उप॑ । उप॑ दधाति । द॒धा॒त्य॒तू॒नाम् । ऋ॒तू॒नाम्॑ क्लृ॒प्त्यै॑ ॥  
 क्लृ॒प्त्यै॑ द्व॒म्द्वम् । द्व॒म्द्वमु॑प । द्व॒म्द्वमि॑ति द्वम् – द्वम् । उप॑ दधाति ।  
 द॒धा॒ति॒ तस्मा॑त् ॥ तस्मा॑द् द्व॒म्द्वम् । द्व॒म्द्वमृ॑तवः । द्व॒म्द्वमि॑ति द्वम्-द्वम् ।  
 ऋ॒त॒वोऽधृ॑ता । अधृ॑तेव । इ॒व॒ वै । वा॒ ए॒षा । ए॒षा॒ यत् । यन् म॑द्ध्य॒मा ।  
 म॑द्ध्य॒मा चि॑तिः । चि॑तिर॒न्तरि॑क्षम् । अ॒न्तरि॑क्षमि॒व । इ॒व॒ वै ।  
 वा॒ ए॒षा । ए॒षा॒ द्व॒न्द्वम् । द्व॒न्द्वम॑न्यासु । द्व॒न्द्वमि॑ति द्वम् – द्वम् ।  
 अ॒न्यासु॑ चि॒तीषु॑ । चि॒तीषू॑प । उप॑ दधाति । द॒धा॒ति॒ चत॑स्रः ।  
 चत॑स्रो म॑द्ध्यै ॥ म॑द्ध्ये॒ धृ॒त्यै ॥ धृ॒त्या॑ अ॒न्तर्ऽश्लेष॑णम् ।

## तैत्तिरीय संहिता क्रम पाठे (TS 5.4)

अ॒न्त॒श्श्ले॒षण॒म् वै । अ॒न्त॒श्श्ले॒षण॒मित्य॑न्तः-श्ले॒षण॒म् । वा ए॒ताः ।  
ए॒ताश्चि॑ती॒नाम् । चि॑ती॒नाम् य॑त् । यदृ॒तव्याः॑ ॥ ऋ॒तव्या॑ यत् ।  
यदृ॒तव्याः॑ ॥ ऋ॒तव्या॑ उप॒दधा॑ति । उप॒दधा॑ति चि॑ती॒नाम् ।  
उप॒दधा॑तीत्युप - दधा॑ति । चि॑ती॒नाम् वि॑धृत्यै । वि॑धृत्या॒ अव॑काम् ।  
वि॑धृत्या॒ इति॑ वि - धृत्यै । अव॑का॒मनु॑ । अनूप । उप॒ दधा॑ति ।  
दधा॑त्येषा । ए॒षा वै । वा अ॒ग्नेः । अ॒ग्नेर् यो॑निः । यो॑निः सयो॑निम् ।  
सयो॑निमेव । सयो॑निमि॒ति स - यो॑निम् । 5 (50/57)

### **TS 5.4.2.2 - Kramam**

ए॒वाग्नि॑म् । अ॒ग्निम् चि॑नुते । चि॒नुत॑ उ॒वाच॑ । उ॒वाच॑ ह ।  
ह वि॒श्वामि॑त्रः । वि॒श्वामि॑त्रोऽदत् । वि॒श्वामि॑त्र इति॑ वि॒श्व - मि॑त्रः ।  
अ॒ददि॑त् । इ॒थ् सः॑ । स ब्र॒ह्मणा॑ । ब्र॒ह्मणा॑ऽन्नम् । अ॒न्नम् य॑स्य ।  
यस्यै॑ताः । ए॒ता उप॑धी॒यान्तै॑ ॥ उप॑धी॒यान्तै॑ यः । उप॑धी॒यान्ता॑  
इ॒त्युप॑-धी॒यान्तै॑ ॥ य उ॑ । उ॒ च॑ । चै॒नाः॑ । ए॒ना ए॒वम् । ए॒वम् वे॑दत् ।  
वे॒ददि॑ति । इति॑ स॒म् व॑त्स॒रः । स॒म् व॑त्स॒रो वै । स॒म् व॑त्स॒र इति॑  
स॒म् - व॑त्स॒रः । वा ए॒तम् । ए॒तम् प्र॑ति॒ष्ठायै॑ ॥ प्र॑ति॒ष्ठायै॑ नुद॑ते ।



प्रतिष्ठाया॑ इति॑ प्रति – स्थायै॑ । नुद॑ते यः । योऽग्नि॑म् ।  
 अग्नि॑म् चित्वा । चित्वा॑ न । न प्रति॑तिष्ठति । प्रति॑तिष्ठति पञ्च ।  
 प्रति॑तिष्ठतीति॑ प्रति – तिष्ठति॑ । पञ्च॑ पूर्वाः । पूर्वा॑श्चितयः । चित॑यो  
 भवन्ति॑ । भवन्त्यथ॑ । अथ॑ षष्ठीम् । षष्ठीम्॑ चिति॑म् । चिति॑म् चिनुते ।  
 चिनु॑ते षट् । षड्॑ वै । वा ऋ॒तवः॑ । ऋ॒तवः॑ सम्॑वत्सरः ।  
 सम्॑वत्सर॑ ऋ॒तुषु॑ । सम्॑वत्सर॑ इति॑ सम् – वत्सरः॑ । ऋ॒तुष्वे॒व ।  
 ए॒व सम्॑वत्सरे॑ । सम्॑वत्सरे॑ प्रति॑ । सम्॑वत्सर॑ इति॑ सम्-वत्सरे॑ ।  
 प्रति॑ तिष्ठति । तिष्ठ॑त्येताः । ए॒ता वै । वा अधि॑पत्नीः । 6 (50/57)

**TS 5.4.2.3 - Kramam**

अधि॑पत्नीर् नाम । अधि॑पत्नीरित्यधि॑ – पत्नीः॑ । नामेष्ट॑काः । इष्ट॑का  
 यस्य॑ । यस्यै॑ताः । ए॒ता उप॑धीयन्ते॑ । उप॑धीयन्तेऽधि॑पतिः । उप॑धीयन्त  
 इत्यु॑प – धी॒यन्ते॑ । अधि॑पतिरे॒व । अधि॑पतिरित्यधि॑ – पतिः॑ ।  
 ए॒व समा॑नानाम् । समा॑नानाम् भवति॑ । भवति॑ यम् । यम् द्वि॑ष्यात् ।  
 द्वि॑ष्यात् तम् । तमु॑पदधत् । उप॑दधद् ध्यायेत् । उप॑दधदित्यु॑प-दधत् ।  
 ध्याये॑दे॒ताभ्यः॑ । ए॒ताभ्य॑ ए॒व । ए॒वैन॑म् । ए॒नम् दे॒वता॑भ्यः ।  
 दे॒वता॑भ्य॑ आ । आ वृ॑श्चति । वृ॑श्चति ता॒जक् । ता॒जगा॑र्तिम् ।

आ॒र्ति॒मा । आ॒च्छ॑ति । ऋ॒च्छ॒त्य॒ङ्गि॒रसः॑ । अ॒ङ्गि॒रसः॑ सु॒व॒र्गम् ।  
सु॒व॒र्गम् लो॒कम् । सु॒व॒र्ग॒मि॒ति सु॒वः - गम् । लो॒कम् य॑न्तः ।  
य॒न्तो या॑ । या॒ य॒ज्ञस्य॑ । य॒ज्ञस्य॑ निष्कृ॒तिः । निष्कृ॒ति॒रासी॑त् ॥  
निष्कृ॒ति॒रि॒ति निः - कृ॒तिः । आसी॑त् ताम् । तामृ॒षि॒भ्यः । ऋ॒षि॒भ्यः  
प्र॒ति । ऋ॒षि॒भ्य इ॒त्यृषि॑-भ्यः । प्र॒त्यौ॒हन् । औ॒हन् तत् । तद्धि॑रण्यम् ।  
हि॒रण्य॑मभवत् । अ॒भवद् यत् । यद्धि॑रण्यश॒ल्कैः । हि॒रण्य॑श॒ल्कैः  
प्रो॒क्षति॑ । हि॒रण्य॑श॒ल्कैरि॑ति हि॒रण्य - श॒ल्कैः । प्रो॒क्षति॑ य॒ज्ञस्य॑ ।  
प्रो॒क्षती॑ति प्र - उ॒क्षति॑ । य॒ज्ञस्य॑ निष्कृ॒त्यै । निष्कृ॒त्या अ॒थो ॥  
निष्कृ॒त्या इति॑ निः - कृ॒त्यै । अ॒थो भेष॑जम् । अ॒थो इत्य॑थो ॥  
भेष॑जमेव । ए॒वास्मै॑ ॥ अ॒स्मै क॒रोति॑ ( ) । क॒रोत्य॑थो ॥ 7 (50/61)

**TS 5.4.2.4 - Kramam**

अ॒थो रू॒पेण॑ । अ॒थो इत्य॑थो ॥ रू॒पेणै॑व । ए॒वैन॑म् । ए॒नञ् सम् ।  
स॒म॒र्द्ध॑यति । अ॒र्द्ध॑यत्यथो ॥ अ॒थो हि॒रण्य॑ज्योतिषा । अ॒थो इत्य॑थो ॥  
हि॒रण्य॑ज्योतिषै॒व । हि॒रण्य॑ज्योतिषे॒ति हि॒रण्य - ज्यो॒तिषा॑ ।  
ए॒व सु॒व॒र्गम् । सु॒व॒र्गम् लो॒कम् । सु॒व॒र्ग॒मि॒ति सु॒वः - गम् ।  
लो॒कमे॑ति । ए॒ति सा॒हस्र॑वता । सा॒हस्र॑वता प्र ।

साहस्रवतेति साहस्र - वता । प्रोक्षति । उक्षति साहस्रः । साहस्रः  
 प्रजापतिः । प्रजापतिः प्रजापतेः । प्रजापतिरिति प्रजा - पतिः ।  
 प्रजापतेराप्त्यै ॥ प्रजापतेरिति प्रजा-पतेः । आप्त्या इमाः । इमा मे ॥  
 मे अग्ने । अग्न इष्टकाः । इष्टका धेनवः । धेनवः सन्तु । सन्त्विति ।  
 इत्याह । आह धेनूः । धेनूरेव ॥ एवैनाः । एनाः कुरुते । कुरुते ताः ।  
 ता एनम् । एनम् कामदुघाः । कामदुघा अमुत्र । कामदुघा इति  
 काम - दुघाः ॥ अमुत्रामुष्मिन् । अमुष्मिन् लोके । लोक उप ।  
 उप तिष्ठन्ते । तिष्ठन्त इति तिष्ठन्ते ॥ 8 (39/47)

(सयोनि - मेता वै - करोत्ये - कान्नचत्वारिंशच्च) (A2)

**TS 5.4.3.1 - Kramam**

रुद्रो वै । वा एषः । एष यत् । यदग्निः । अग्निः सः । स एतर्हि ।  
 एतर्हि जातः । जातो यर्हि । यर्हि सर्वः । सर्वश्चितः । चितः  
 सः । स यथा । यथा वथ्सः । वथ्सो जातः । जातः स्तनम् । स्तनम्  
 प्रेफ्सति । प्रेफ्सत्येवम् । प्रेफ्सतीति प्र - ईफ्सति । एवम् वै ।  
 वा एषः । एष एतर्हि । एतर्हि भागधेयम् । भागधेयम् प्र ।  
 भागधेयमिति भाग - धेयम् । प्रेफ्सति । ईफ्सति तस्मै ॥

तस्मै॑ यत् । यदा॑हु॒तिम् । आ॑हु॒तिम् न । आ॑हु॒तिमित्या - हु॒तिम् ।  
न जु॑हु॒यात् । जु॑हु॒याद॑ध्व॒र्युम् । अ॒ध्व॒र्युम् च । च॒ यज॑मानम् ।  
यज॑मानम् च । च॒ ध्या॒येत् । ध्या॒येच्छ॒तरु॑द्गीयम् ॥ श॒तरु॑द्गीयम्  
जु॑होति । श॒तरु॑द्गीयमि॒ति श॒त - रु॑द्गीयम् । जु॑होति भा॒गधे॑र्येन ।  
भा॒गधे॑र्येनै॒व । भा॒गधे॑र्येनेति॒ भाग॑-धे॒र्येन । ए॒वैन॑म् । ए॒नञ् श॒मय॑ति ।  
श॒मय॑ति न । ना॒र्तिम् । आ॒र्तिमा॑ । आ॒च्छ॑ति । ऋ॒च्छ॒त्यध्व॑र्युः ।  
अ॒ध्व॒र्युर् न । न यज॑मानः । यज॑मानो॒ यत् । यद् ग्रा॒म्याणा॑म् ।  
ग्रा॒म्याणा॑म् प॒शूना॑म् । प॒शूना॑म् पय॒सा । ९ (50/55)

**TS 5.4.3.2 - Kramam**

पय॒सा जु॑हु॒यात् । जु॑हु॒याद् ग्रा॒म्यान् । ग्रा॒म्यान् प॒शून् । प॒शूञ्छु॑चा ।  
शु॒चाऽर्प॑येत् । अ॒र्पये॑द् यत् । यदा॑रण्याना॒म् । आ॒रण्या॑ना॒मार॒ण्यान् ।  
आ॒रण्या॑न् ज॒र्तिल॑यवा॒ग्वा ॥ ज॒र्तिल॑यवा॒ग्वा वा । ज॒र्तिल॑यवा॒ग्वेति॑  
ज॒र्तिल॑ - यवा॒ग्वा ॥ वा जु॑हु॒यात् । जु॑हु॒याद् ग॒वीधु॑कयवा॒ग्वा ॥  
ग॒वीधु॑कयवा॒ग्वा वा । ग॒वीधु॑कयवा॒ग्वेति॑ ग॒वीधु॑क - यवा॒ग्वा ॥  
वा न । न ग्रा॒म्यान् । ग्रा॒म्यान् प॒शून् । प॒शून् हि॒नस्ति॑ । हि॒नस्ति॑ न ।  
ना॒रण्या॑न् । आ॒रण्या॑नथो॒ । अथो॑ ख॒लु । अथो॑ इत्यथो॒ । ख॒ल्वाहुः॑ ।

आ॒हु॒रना॑हु॒तिः । अना॑हु॒तिर् वै । अना॑हु॒तिरि॒त्यना॑ - हु॒तिः ॥  
 वै ज॒र्तिलाः॑ ॥ ज॒र्तिला॑श्च । च ग॒वीधु॑काः । ग॒वीधु॑काश्च । चेति॑ ।  
 इत्य॑ज॒क्षीरेण॑ । अ॒ज॒क्षीरेण॑ जहोति । अ॒ज॒क्षीरेणेत्य॑ज - क्षीरेण॑ ।  
 जहो॑त्याग्नेयी । आग्नेयी॑ वै । वा ए॒षा । ए॒षा यत् । यद॒जा ।  
 अ॒जाऽऽहु॑त्या । आहु॒त्यैव॑ । आहु॒त्येत्या॑ - हु॒त्या । ए॒व जु॑होति ।  
 जु॒होति॑ न । न ग्रा॒म्यान् । ग्रा॒म्यान् प॒शून् । प॒शून् हि॒नस्ति॑ ।  
 हि॒नस्ति॑ न । ना॒र॒ण्यान् । आ॒र॒ण्यान् अङ्गि॑रसः । अङ्गि॑रसः सु॒वर्ग॑म् ।  
 सु॒वर्ग॑म् लो॒कम् । सु॒वर्ग॑मिति॑ सु॒वः - ग॑म् । लो॒कम् य॑न्तः ।  
 यन्तो॑ऽजा॒याम् ॥ 10 (50/57)

**TS 5.4.3.3 - Kramam**

अ॒जा॒याम् घ॒र्मम् । घ॒र्मम् प्र॑ । प्रा॒सिञ्च॑न् । अ॒सिञ्च॑न्थ॒ सा ।  
 सा शो॑चन्ती । शो॑चन्ती प॒र्णम् । प॒र्णम् प॒रा ॥ प॒राऽजि॑हीत ।  
 अ॒जि॒हीत॑ सः । सौ॒र्कः । अ॒र्कोऽभ॑वत् । अ॒भ॒वत् तत् । तद॒र्क॑स्य॑ ।  
 अ॒र्क॑स्या॒र्क॑त्वम् । अ॒र्क॑त्वम॒र्क॑प॒र्णेन॑ । अ॒र्क॑त्वमि॒त्यर्क॑ - त्वम् ।  
 अ॒र्क॑प॒र्णेन॑ जुहोति । अ॒र्क॑प॒र्णेनेत्य॑र्क - प॒र्णेन॑ । जु॒होति॑  
 स॒यो॒नि॒त्वाय॑ । स॒यो॒नि॒त्वायो॑दङ् । स॒यो॒नि॒त्वायेति॑ स॒यो॒नि॒ - त्वाय॑ ।

उदङ् तिष्ठन् । तिष्ठन् जुहोति । जुहोत्येषा । एषा वै । वै रुद्रस्य ।  
रुद्रस्य दिक् । दिक् स्वायाम् । स्वायामेव । एव दिशि । दिशि  
रुद्रम् । रुद्रम् निरवदयते । निरवदयते चरमायाम् । निरवदयत  
इति निः - अवदयते । चरमायामिष्टकायाम् । इष्टकायाम् जुहोति ।  
जुहोत्यन्ततः । अन्तत एव । एव रुद्रम् । रुद्रम् निरवदयते ।  
निरवदयते त्रेधाविभक्तम् । निरवदयत इति निः - अवदयते ।  
त्रेधाविभक्तम् जुहोति । त्रेधाविभक्तमिति त्रेधा - विभक्तम् ।  
जुहोति त्रयः । त्रय इमे । इमे लोकाः । लोका इमान् । इमानेव ।  
एव लोकान् । लोकान्त् समावद्दीर्यान् । समावद्दीर्यान् करोति ।  
समावद्दीर्यानिति समावत् - वीर्यान् । करोतीयति । इयत्यग्रे ।  
अग्रे जुहोति । जुहोत्यथ । 11 (50/57)

**TS 5.4.3.4 - Kramam**

अथेयति । इयत्यथ । अथेयति । इयति त्रयः । त्रय इमे ।  
इमे लोकाः । लोका एभ्यः । एभ्य एव । एवैनम् । एनम् लोकेभ्यः ।  
लोकेभ्यः शमयति । शमयति तिस्रः । तिस्र उत्तराः । उत्तरा आहुतीः ।

उत्तरा॑ इत्युत् - तराः॑ । आहु॑तीर् जुहोति । आहु॑तीरित्या - हु॒तीः॑ ।  
जुहो॑ति षट् । षट्॑ सम् । सम् प॑द्यन्ते । प॒द्यन्ते॑ षट् । षड्॑ वै ।  
वा ऋ॑तवः । ऋ॒तव॑ ऋ॒तुभिः॑ । ऋ॒तुभिरे॑व । ऋ॒तुभि॒रित्यु॑तु - भिः॑ ।  
ए॒वैन॑म् । ए॒नञ्॑ श॒मय॑ति । श॒मय॑ति यत् । यदनु॑परि॒क्राम॑म् ॥  
अनु॑परि॒क्राम॑म् जुहु॑यात् । अनु॑परि॒क्राम॑मित्यनु - परि॒क्राम॑म् ॥  
जुहु॑यादन्तर॒वचारि॑णम् । अन्तर॒वचारि॑णञ् रु॒द्रम् ॥  
अन्तर॒वचारि॑णमित्यन्तः - अ॒वचारि॑णम् । रु॒द्रम् कुर्या॑त् । कुर्या॑दथो॑ ॥  
अथो॑ खलु । अथो॑ इत्यथो॑ । ख॒ल्वाहुः॑ । आ॒हुः कस्या॑म् ॥  
कस्या॑म् वा । वाऽऽह॑ । आह॑ दि॒शि । दि॒शि रु॒द्रः । रु॒द्रः कस्या॑म् ॥  
कस्या॑म् वा । वेति॑ । इत्यनु॑परि॒क्राम॑म् । अनु॑परि॒क्राम॑मेव ।  
अनु॑परि॒क्राम॑मित्यनु-परि॒क्राम॑म् । ए॒व हो॑तव्यम् । हो॑तव्यम॒परि॒वर्ग॑म् ।  
अ॒परि॒वर्ग॑मेव । अ॒परि॒वर्ग॑मित्यपरि - वर्ग॑म् । ए॒वैन॑म् ॥

ए॒नञ्॑ श॒मय॑ति ( ) । श॒मय॑त्येताः । 12 (50/58)

**TS 5.4.3.5 - Kramam**

ए॒ता वै । वै दे॒वताः॑ । दे॒वताः॑ सु॒वर्ग्याः॑ । सु॒वर्ग्या॑ याः । सु॒वर्ग्या॑ इति॑  
सु॒वः - ग्याः॑ । या उ॒त्तमाः॑ । उ॒त्तमा॑स्ताः । उ॒त्तमा॑ इत्युत् - तमाः॑ ।

ता यज॑मानम् । यज॑मानम् वा॒चय॑ति । वा॒चय॑ति ताभिः॑ । ताभिरे॒व ।  
 ए॒वैन॑म् । ए॒नञ् सु॒वर्ग॑म् । सु॒वर्ग॑म् लो॒कम् । सु॒वर्ग॑मिति॑  
 सुवः - गम् । लो॒कम् ग॑मयति । ग॒मय॑ति यम् । यम् द्वि॒ष्यात् ।  
 द्वि॒ष्यात् तस्य॑ । तस्य॑ सञ्चरे । सञ्चरे॑ पशू॒नाम् । सञ्च॑र इति॑  
 सम् - चरे । पशू॒नाम् नि । न्यस्येत् । अस्येद् यः । यः प्रथ॑मः ।  
 प्रथ॑मः पशुः । पशु॑रभितिष्ठति । अभि॑तिष्ठति सः ।  
 अभि॑तिष्ठतीत्यभि - तिष्ठति । स आ॒र्तिम् । आ॒र्ति॒मा । आ॒र्च्छ॑ति ।  
 ऋ॒च्छ॑तीत्यृच्छति ॥ 13 (30/35)

(पशू॒नाम् - यन्तो - अग्ने॑ जुहोत्य - परिव॑र्गमेवैनञ् शमयति -  
 त्रि॒ञ्शच्च॑) (A3)

**TS 5.4.4.1 - Kramam**

अश्म॑न्नूर्जम् । ऊ॒र्ज॑मिति । इति॑ परि । परि॑षिञ्चति । सि॒ञ्च॑ति  
 मा॒र्ज॑यति । मा॒र्ज॑यत्येव । ए॒वैन॑म् । ए॒नम॑थो । अथो॑ तर्प॑यति ।  
 अथो॑ इत्यथो॑ । तर्प॑यत्येव । ए॒व सः । स ए॒नम् । ए॒नम् तृ॒प्तः ।  
 तृ॒प्तोऽक्षु॑द्ध्यन् । अक्षु॑द्ध्यन्नशो॑चन् । अशो॑चन्नमु॒ष्मिन् । अ॒मुष्मि॑न्  
 लो॒के । लो॒क उप॑ । उप॑ तिष्ठते । तिष्ठ॑ते तृ॒प्यति॑ । तृ॒प्यति॑ प्र॒जया॑ ॥



पञ्चम काण्डे, चतुर्थः प्रश्नः - (TS 5.4)

प्र॒जया॑ प॒शुभिः॑ । प्र॒जेयेति॑ प्र - जया॑ । प॒शुभिर् यः॑ । प॒शुभिरिति॑  
 प॒शु-भिः॑ । य ए॒वम् । ए॒वम् वे॑द । वे॒द ता॑म् । ता॒म् नः॑ । न इ॒षम् ।  
 इ॒ष मूर्ज॑म् । ऊ॒जम् ध॑त्त । ध॒त्त म॑रुतः । म॒रुतः स॒र्राणाः॑ ।  
 स॒र्राणा इति॑ । स॒र्राणा इति॑ सम् - र्राणाः॑ । इत्या॑ह ।  
 आ॒हान्न॑म् । अ॒न्नम् वै॑ । वा ऊ॒र्क् । ऊ॒र्गन्न॑म् । अ॒न्नम् म॑रुतः ।  
 म॒रुतोऽन्न॑म् । अ॒न्नमे॒व । ए॒वाव॑ । अ॒व रु॑न्धे । रु॒न्धेऽश्म॑न् ।  
 अ॒श्मस्ते॑ । ते क्षु॑त् । क्षु॒दमु॑म् । अ॒मुम् ते॑ ।

ते शु॒क् । शु॒गृच्छ॑तु । 14 (50/54)

**TS 5.4.4.2 - Kramam**

ऋ॒च्छ॑तु यम् । यम् द्वि॒ष्मः॑ । द्वि॒ष्म इति॑ । इत्या॑ह । आ॒ह यम् ।  
 यमे॒व । ए॒व द्वेष्टि॑ । द्वेष्टि॑ तम् । तम॑स्य । अ॒स्य क्षु॑धा । क्षु॒धा च॑ ।  
 च शु॒चा । शु॒चा च॑ । चा॒र्पय॑ति । अ॒र्पय॑ति त्रिः । त्रिः परि॑षिञ्चन् ।  
 परि॑षिञ्चन् परि । परि॑षिञ्चन्निति परि - सिञ्चन् । पर्ये॑ति ।  
 एति॑ त्रि॒वृत् । त्रि॒वृद् वै॑ । त्रि॒वृदिति॑ त्रि - वृत् । वा अ॒ग्निः॑ ।  
 अ॒ग्निर् या॑वान् । या॒वाने॒व । ए॒वाग्निः॑ । अ॒ग्निस्त॑स्य । तस्य॑ शु॒चम् ।  
 शु॒चं श॑मयति । श॒मय॑ति त्रिः । त्रिः पु॒नः॑ । पु॒नः परि॑ । पर्ये॑ति ।

ए॒ति॒ षट् । षट्॑त् स॒म् । स॒म् प॒द्यन्ते॑ । प॒द्यन्ते॑ षट् । षड्॑ वै ।  
 वा ऋ॒तवः॑ । ऋ॒तव॑ ऋ॒तुभिः॑ । ऋ॒तुभिरे॑व । ऋ॒तुभि॒रित्यू॑तु - भिः ।  
 ए॒वास्य॑ । अ॒स्य शु॒चम् ॥ शु॒चं॑ श॒मय॑ति । श॒मय॑त्य॒पाम् ।  
 अ॒पाम् वै । वा ए॒तत् । ए॒तत् पु॒ष्पम् । पु॒ष्पम् य॑त् । यद् वे॒तसः॑ ।  
 वे॒तसो॑ऽपाम् । अ॒पां॑ श॒रः । 15 (50/53)

**TS 5.4.4.3 - Kramam**

श॒रोऽव॑काः । अ॒वका॑ वे॒तस॑शा॒ख्या ॥ वे॒तस॑शा॒ख्या च॑ ।  
 वे॒तस॑शा॒खये॑ति वे॒तस॑ - शा॒ख्या ॥ चा॒वका॑भिः । अ॒वका॑भिश्च ।  
 च॒ वि । वि क॑र्षति । क॒र्ष॒त्यापः॑ । आ॒पो वै । वै श॒ान्ताः ।  
 श॒ान्ताः श॒ान्ताभिः॑ । श॒ान्ताभिरे॑व । ए॒वास्य॑ । अ॒स्य शु॒चम् ॥  
 शु॒चं॑ श॒मय॑ति । श॒मय॑ति यः । यो वै । वा अ॒ग्निम् । अ॒ग्निम्  
 चि॒तम् । चि॒तम् प्र॒थमः॑ । प्र॒थमः॑ प॒शुः । प॒शुर॑धि॒क्राम॑ति ।  
 अ॒धि॒क्राम॑तीश्व॒रः । अ॒धि॒क्राम॑तीत्य॒धि - क्राम॑ति । ईश्व॒रो वै ।  
 वै तम् । तं॑ शु॒चा । शु॒चा प्र॒दहः॑ । प्र॒दहो॑ म॒ण्डूके॑न । प्र॒दह॑  
 इति॑ प्र - दहः । म॒ण्डूके॑न वि । वि क॑र्षति । क॒र्ष॒त्येषः॑ ।  
 ए॒ष वै । वै प॒शूनाम् । प॒शूना॑मनु॒पजी॑वनीयः । अ॒नु॒पजी॑वनीयो न ।

अ॒नु॒प॒जी॒व॒नी॒य इ॒त्यनु॒प-जी॒व॒नी॒यः । न वै । वा ए॒षः । ए॒ष ग्रा॒म्येषु॑ ।  
 ग्रा॒म्येषु॑ प॒शुषु॑ । प॒शुषु॑ हि॒तः । हि॒तो न । ना॒र॒ण्येषु॑ । आ॒र॒ण्येषु॑ तम् ।  
 तमे॒व । ए॒व शु॒चा । शु॒चाऽर्प॑यति । अ॒र्प॑यत्य॒ष्टाभिः॑ । अ॒ष्टाभि॑र् वि ।  
 वि क॑र्षति । क॒र्ष॒त्य॒ष्टाक्ष॑रा । 16 (50/54)

**TS 5.4.4.4 - Kramam**

अ॒ष्टाक्ष॑रा गाय॒त्री । अ॒ष्टाक्ष॑रेत्य॒ष्टा - अ॒क्ष॒रा । गा॒य॒त्री गा॒य॒त्रः ।  
 गा॒य॒त्रोऽग्निः॑ । अ॒ग्नि॑र् या॒वान् । या॒वा॒ने॒व । ए॒वाग्निः॑ । अ॒ग्नि॑स्तस्य ।  
 तस्य॑ शु॒चम् ॥ शु॒चं श॑मयति । श॒म॒य॒ति पा॒व॒क॒व॒तीभिः॑ ।  
 पा॒व॒क॒व॒तीभि॑रन्नम् ॥ पा॒व॒क॒व॒तीभि॑रिति पा॒व॒क - व॒तीभिः॑ ।  
 अ॒न्नम् वै । वै पा॒व॒कः । पा॒व॒कोऽन्ने॑न । अ॒न्ने॑नै॒व । ए॒वा॒स्य ।  
 अ॒स्य शु॒चम् ॥ शु॒चं श॑मयति । श॒म॒य॒ति मृ॒त्युः । मृ॒त्यु॑र् वै ।  
 वा ए॒षः । ए॒ष यत् । यद॒ग्निः॑ । अ॒ग्नि॑र् ब्र॒ह्म॒णः । ब्र॒ह्म॒ण ए॒तत् ।  
 ए॒तद् रू॒पम् । रू॒पम् यत् । यत् कृ॒ष्णाजि॑नम् । कृ॒ष्णाजि॑नम्  
 का॒र्ष॒णी ॥ कृ॒ष्णाजि॑नमिति कृ॒ष्ण - अ॒जि॒नम् । का॒र्ष॒णी उ॒पा॒न॒हौ ॥  
 का॒र्ष॒णी इति॑ का॒र्ष॒णी ॥ उ॒पा॒न॒हा॒वु॒प । उ॒प मु॒ञ्च॑ते ।  
 मु॒ञ्च॑ते ब्र॒ह्म॒णा । ब्र॒ह्म॒णै॒व । ए॒व मृ॒त्योः । मृ॒त्यो॑र॒न्तः । अ॒न्तर् ध॑त्ते ।

ध॒त्तेऽन्तः॑ । अ॒न्तर् मृ॒त्योः॑ । मृ॒त्योर् ध॒त्ते । ध॒त्तेऽन्तः॑ । अ॒न्तर॒न्नाद्यात्॑ ॥  
 अ॒न्नाद्या॑दिति॑ । अ॒न्नाद्या॑दित्यन्न - अद्यात् ॥ इत्याहुः॑ । आ॒हुर॒न्याम् ।  
 अ॒न्यामु॒पमुञ्च॑ते ॥ उ॒पमु॒ञ्चतेऽन्याम्॑ । उ॒पमु॒ञ्चत॑ इत्युप - मुञ्चते ॥

अ॒न्याम् न । नान्तः॑ ( ) । अ॒न्तरे॒व । 17 (50/56)

**TS 5.4.4.5 - Kramam**

ए॒व मृ॒त्योः॑ । मृ॒त्योर् ध॒त्ते । ध॒त्तेऽव॑ । अ॒वान्नाद्य॑म् । अ॒न्नाद्यञ् रु॒न्धे ।  
 अ॒न्नाद्य॑मित्यन्न - अद्यम् ॥ रु॒न्धे नमः॑ । नम॒स्ते । ते॒ हर॑से । हर॑से  
 शो॒चिषे॑ ॥ शो॒चिष॑ इति॑ । इत्याह॑ । आ॒ह नम॑स्कृत्य॑ । नम॑स्कृत्य॑ हि ।  
 नम॑स्कृत्येति॑ नमः - कृत्य॑ । हि व॑सीयाञ्सम् ।  
 व॑सीयाञ्समु॒पच॑रन्ति । उ॒पच॑रन्त्य॒न्यम् । उ॒पच॑रन्तीत्युप - चरन्ति ।  
 अ॒न्यम् ते॑ ॥ ते॒ अ॒स्मत् । अ॒स्मत् तप॑न्तु । तप॑न्तु हे॒तयः॑ ।  
 हे॒तय॑ इति॑ । इत्याह॑ । आ॒ह यम् । यमे॒व । ए॒व द्वेष्टि॑ । द्वेष्टि॑ तम् ।  
 तम॑स्य । अ॒स्य शु॒चा । शु॒चाऽर्प॑यति । अ॒र्पय॑ति पा॒वकः॑ । पा॒वको  
 अ॒स्मभ्य॑म् ॥ अ॒स्मभ्यञ् शि॒वः । अ॒स्मभ्य॑मित्यस्म - भ्यम् ।  
 शि॒वो भ॑व । भ॒वेति॑ । इत्याह॑ । आ॒हान्न॑म् । अ॒न्नम् वै॑ । वै पा॒वकः॑ ।

पाव॒कोऽन्न॑म् । अन्न॑मे॒व । ए॒वा॒व । अ॒व रु॒न्धे । रु॒न्धे द्वा॒भ्याम् ॥  
 द्वा॒भ्याम॑धि । अधि॑ क्रा॒मति॑ । क्रा॒मति॑ प्रति॒ष्ठित्यै॑ । प्रति॒ष्ठित्या॑  
 अ॒प॒स्य॑वती॒भ्याम् । प्रति॒ष्ठित्या॑ इति॒ प्रति॑ – स्थि॒त्यै ।  
 अ॒प॒स्य॑वती॒भ्यां शान्त्यै॑ ॥ अ॒प॒स्य॑वती॒भ्यामि॒त्यप॒स्य॑ – वती॒भ्याम् ।  
 शान्त्या॑ इति॒ शान्त्यै॑ ॥ 18 (49/55)

(शु – र्व॑त॒सा॑ ऽपा – म॒ष्टाभि॑र्वि॒ कर्ष॑ति – नान्त –  
 रे॒कान्न॑पञ्चा॒शच्च॑) (A4)

**TS 5.4.5.1 - Kramam**

नृ॒षदे॑ वट् । नृ॒षद॑ इति॒ नृ – सदे॑ ॥ वडि॑ति । इति॒ व्याघा॑रयति ।  
 व्याघा॑रयति पङ्क्त्या । व्याघा॑रयतीति॒ वि – आघा॑रयति ।  
 पङ्क्त्याऽऽहु॑त्या । आहु॑त्या यज्ञ॒मुख॑म् । आहु॑त्येत्या – हु॒त्या ।  
 यज्ञ॒मुख॑मा । यज्ञ॒मुख॑मिति॒ यज्ञ-मु॑खम् । आ र॑भते । र॒भतेऽक्ष्ण॑या ।  
 अक्ष्ण॑या व्याघा॑रयति । व्याघा॑रयति॒ तस्मात्॑ ॥ व्याघा॑रयतीति॒  
 वि-आघा॑रयति । तस्मा॑दक्ष्ण॑या । अक्ष्ण॑या प॒शवः॑ । प॒शवोऽङ्गानि॑ ।  
 अङ्गानि॑ प्र । प्र ह॑रन्ति । ह॒रन्ति॑ प्रति॒ष्ठित्यै॑ । प्रति॒ष्ठित्यै॑ यत् ।  
 प्रति॒ष्ठित्या॑ इति॒ प्रति॑ – स्थि॒त्यै । यद् व॑षट्कुर्यात् ।

## तैत्तिरीय संहिता क्रम पाठे (TS 5.4)

व॒षट्कु॒र्याद् या॒तया॑मा । व॒षट्कु॒र्यादिति॑ व॒षट्कु॒र्यात् । या॒तया॑माऽस्य ।  
या॒तया॑मेति॑ या॒त - या॒मा । अ॒स्य व॒षट्का॒रः । व॒षट्का॒रः स्यात् ।  
व॒षट्का॒र इति॑ व॒षट्-का॒रः । स्याद् यत् । यन् न । न व॒षट्कु॒र्यात् ।  
व॒षट्कु॒र्याद् रक्षा॑ऽसि । व॒षट्कु॒र्यादिति॑ व॒षट् - कु॒र्यात् ।  
रक्षा॑ऽसि य॒ज्ञम् । य॒ज्ञः ह॒न्युः । ह॒न्युर् वट् । वडि॑ति । इत्याह ।  
आह॑ प॒रोक्ष॑म् । प॒रोक्ष॑मेव । प॒रोक्ष॑मिति॑ प॒रः - अ॒क्षम् । ए॒व व॒षट् ।  
व॒षट् क॑रोति । क॑रोति न । ना॒स्य । अ॒स्य या॒तया॑मा ।  
या॒तया॑मा व॒षट्का॒रः । या॒तया॑मेति॑ या॒त - या॒मा । व॒षट्का॒रो भ॑वति ।  
व॒षट्का॒र इति॑ व॒षट् - का॒रः । भ॑वति न । न य॒ज्ञम् ।  
य॒ज्ञः रक्षा॑ऽसि । रक्षा॑ऽसि घ्नन्ति । घ्नन्ति॑ हु॒तादः । हु॒तादो॑ वै ।  
हु॒ताद॑ इति॑ हु॒त - अ॒दः । वा अ॒न्ये । अ॒न्ये दे॒वाः ।  
दे॒वा अ॒हु॒तादः॑ । 19 (50/64)

### TS 5.4.5.2 - Kramam

अ॒हु॒तादो॑ऽन्ये । अ॒हु॒ताद॑ इत्य॒हु॒त-अ॒दः । अ॒न्ये तान् । तान॑ग्नि॒चित् ।  
अ॒ग्नि॒चि॒दे॒व । अ॒ग्नि॒चि॒दित्य॑ग्नि - चि॒त् । ए॒वोभ॑यान् । उ॒भया॑न्  
प्री॒णाति॑ । प्री॒णाति॑ ये । ये दे॒वाः । दे॒वा दे॒वाना॑म् । दे॒वाना॑मिति॑ ।

इति॑ द॒ध्ना । द॒ध्ना मधु॑मिश्रेण । मधु॑मिश्रेणाव । मधु॑मिश्रेणेति॑  
 मधु॑ - मि॒श्रेण॑ । अ॒वो॑क्षति । उ॒क्षति॑ हु॒तादः॑ । हु॒तादश्च॑ । हु॒ताद॑ इति॑  
 हुत॑ - अदः॑ । चै॒व । ए॒व दे॒वान् । दे॒वानहु॑तादः । अ॒हुताद॑श्च ।  
 अ॒हुताद॑ इत्य॒हुत॑ - अदः॑ । च॒ यज॑मानः । यज॑मानः प्रीणाति ।  
 प्री॒णाति॑ ते । ते यज॑मानम् । यज॑मानम् प्रीणन्ति । प्री॒णन्ति॑ द॒ध्ना ।  
 द॒ध्ना॑ ए॒व हु॒तादः॑ । हु॒तादः॑ प्रीणाति । हु॒ताद॑ इति॑ हुत॑ - अदः॑ ।  
 प्रीणाति॑ मधु॑षा । मधु॑षाऽहु॒तादः॑ । अ॒हुतादो॑ ग्रा॒म्यम् । अ॒हुताद॑  
 इत्य॒हुत॑ - अदः॑ । ग्रा॒म्यम् वै॑ । वा ए॒तत् । ए॒तदन्न॑म् । अन्न॑म् यत् ।  
 यद् दधि॑ । दध्या॑रण्यम् । आ॒रण्यम्॑ मधु॑ । मधु॑ यत् । यद् द॒ध्ना ।  
 द॒ध्ना मधु॑मिश्रेण । मधु॑मिश्रेणावो॑क्षति । मधु॑मिश्रेणेति॑  
 मधु॑ - मि॒श्रेण॑ । अ॒वो॑क्षत्यु॒भय॑स्य । अ॒वो॑क्षतीत्यव॑ - उ॒क्षति॑ ।  
 उ॒भय॑स्याव॒रुद्ध्यै॑ । अ॒वरुद्ध्यै॑ गु॒मुष्टि॑ना । अ॒वरुद्ध्यै॑  
 इत्यव॑ - रु॒द्ध्यै॑ । गु॒मुष्टि॑नाऽव॑ । अ॒वो॑क्षति । उ॒क्षति॑ प्रा॒जाप॑त्यः ।  
 प्रा॒जाप॑त्यो वै । प्रा॒जाप॑त्य इति॑ प्रा॒जा - प॑त्यः । 20 (50/61)

**TS 5.4.5.3 - Kramam**

वै॑ गु॒मु॒ष्टिः॑ । गु॒मु॒ष्टिः॑ स॒यो॒नि॒त्वाय॑ । स॒यो॒नि॒त्वाय॑ द्वा॒भ्याम्॑ ॥  
 स॒यो॒नि॒त्वाये॑ति स॒यो॒नि - त्वाय॑ । द्वा॒भ्याम्॑ प्र॒ति॒ष्ठित्यै॑ । प्र॒ति॒ष्ठित्या॑  
 अ॒नु॒परि॒चारम्॑ ॥ प्र॒ति॒ष्ठित्या॑ इति॑ प्र॒ति - स्थि॒त्यै॑ । अ॒नु॒परि॒चार॒मव॑ ।  
 अ॒नु॒परि॒चार॒मित्यनु॑ - परि॒चारम्॑ ॥ अ॒वो॒क्षति॑ । उ॒क्ष॒त्य॒परि॒वर्गम्॑ ।  
 अ॒परि॒वर्ग॒मेव॑ । अ॒परि॒वर्ग॒मित्य॒परि - वर्गम्॑ । ए॒वैनान्॑ ।  
 ए॒नान् प्री॒णाति॑ । प्री॒णाति॑ वि । वि वै । वा ए॒षः । ए॒ष प्रा॒णैः ।  
 प्रा॒णैः प्र॒जया॑ ॥ प्रा॒णैरि॑ति प्र - अ॒नैः । प्र॒जया॑ प॒शुभिः॑ ।  
 प्र॒जये॑ति प्र - जया॑ ॥ प॒शुभिर्ऋ॒ध्यते॑ । प॒शुभि॒रिति॑ प॒शु - भिः॑ ।  
 ऋ॒ध्यते॑ यः । यो॑ऽग्निम् । अ॒ग्निम् चि॒न्वन् । चि॒न्वन्ना॒धिक्राम॑ति ।  
 अ॒धिक्राम॑ति प्रा॒णदाः॑ । अ॒धिक्राम॑तीत्य॒धि - क्राम॑ति । प्रा॒णदा॑  
 अ॒पान॑दाः । प्रा॒णदा॑ इति॑ प्रा॒ण - दाः॑ । अ॒पान॑दा इति॑ । अ॒पान॑दा  
 इत्य॑पान - दाः । इत्या॑ह । आ॒ह प्रा॒णान् । प्रा॒णाने॒व । प्रा॒णानि॑ति  
 प्र - अ॒नान् । ए॒वात्म॑न् । आ॒त्मन् ध॑त्ते । ध॒त्ते वर्चो॑दाः ।  
 वर्चो॑दा वरि॒वोदाः॑ । वर्चो॑दा इति॑ वर्चः - दाः॑ । वरि॒वोदा॑ इति॑ ।  
 वरि॒वोदा॑ इति॑ वरि॒वः - दाः॑ । इत्या॑ह । आ॒ह प्र॒जा । प्र॒जा वै ।



प्र॒जेति॑ प्र – जा । वै॑ वर्चः॑ । वर्चः॑ प॒शवः॑ । प॒शवो॑ वरि॒वः ।  
 वरि॒वः प्र॒जाम् । प्र॒जामे॒व । प्र॒जामि॑ति प्र – जाम् । ए॒व प॒शून् ।  
 प॒शूना॑त्मन् । आ॒त्मन् ध॑त्ते । ध॒त्त इ॒न्द्रः । इ॒न्द्रो वृ॒त्रम् । वृ॒त्रम॑हन् ।  
 अ॒हन् तम् । तम् वृ॒त्रः । वृ॒त्रो ह॒तः । 21 (50/65)

**TS 5.4.5.4 - Kramam**

ह॒तः षोड॑शभिः । षोड॑शभिर् भो॒गैः । षोड॑शभि॒रिति॑ षोड॑श – भिः ।  
 भो॒गैर॑सिनात् । अ॒सिना॑त् सः । स ए॒ताम् । ए॒ताम॑ग्नये ॥  
 अ॒ग्नये॑ऽनीक॒वते॑ । अ॒नीक॑वत् आ॒हुति॑म् । अ॒नीक॑वत् इत्य॒नीक॑-व॒ते ।  
 आ॒हुति॑मपश्यत् । आ॒हुति॑मित्या – हु॒तिम् । अ॒पश्य॑त् ताम् ।  
 ताम॑जुहोत् । अ॒जुहो॑त् तस्य । तस्या॒ग्निः । अ॒ग्निर॑नीकवान् ।  
 अ॒नीक॑वान्त् स्वेन । अ॒नीक॑वानित्य॒नीक॑ – वान् । स्वेन॑ भा॒गधे॑येन ।  
 भा॒गधे॑येन प्री॒तः । भा॒गधे॑येनेति॑ भा॒ग – धे॑येन । प्री॒तः षोड॑शधा ।  
 षोड॑शधा वृ॒त्रस्य॑ । षोड॑शधेति॑ षोड॑श – धा । वृ॒त्रस्य॑ भो॒गान् ।  
 भो॒गान॑पि । अ॒प्यद॑हत् । अ॒दह॑द् वैश्व॒कर्म॑णेन । वैश्व॒कर्म॑णेन पा॒प्मनः॑ ।  
 वैश्व॒कर्म॑णेनेति॑ वैश्व – क॒र्मणे॑न । पा॒प्मनो॑ निः । नि॒रमु॑च्यत ।  
 अ॒मुच्य॑त यत् । यद॒ग्नये॑ ॥ अ॒ग्नये॑ऽनीक॒वते॑ । अ॒नीक॑वत् आ॒हुति॑म् ।

अनी॑कव॒त इत्य॑नीक - व॒ते । आहु॑तिम् जु॒होति॑ ।  
 आहु॑तिमि॒त्या - हु॒तिम् । जु॒होत्य॑ग्निः । अ॒ग्निरे॒व । ए॒वास्य॑ ।  
 अस्या॑नीकवान् । अनी॑कवान्थ् स्वे॑न । अनी॑कवानि॒त्यनी॑क-वान् ।  
 स्वे॑न भा॒गधे॑येन । भा॒गधे॑येन प्री॒तः । भा॒गधे॑येनेति॑ भा॒ग - धे॑येन ।  
 प्री॒तः पा॒प्मान॑म् । पा॒प्मान॑मपि॑ । अपि॑ द॒हति॑ । द॒हति॑ वै॒श्वक॑र्मणे॑न ।  
 वै॒श्वक॑र्मणे॑न पा॒प्मनः॑ । वै॒श्वक॑र्मणेनेति॑ वै॒श्व-क॑र्मणे॑न । पा॒प्मनो॑ निः ।  
 निर् मु॑च्यते । मु॒च्यते॑ यम् । यम् का॒मये॑त । का॒मये॑त चि॒रम् ।  
 चि॒रम् पा॒प्मनः॑ ( ) । पा॒प्मनो॑ निः । 22 (50/62)

**TS 5.4.5.5 - Kramam**

निर् मु॑च्येत । मु॒च्येते॑ति । इत्ये॑कैकम् । एकै॑कम् तस्य॑ ।  
 एकै॑कमि॒त्येक॑म्-ए॒कम् । तस्य॑ जहु॒यात् । जु॒हुया॑च्चि॒रम् । चि॒रमे॒व ।  
 ए॒व पा॒प्मनः॑ । पा॒प्मनो॑ निः । निर् मु॑च्यते । मु॒च्यते॑ यम् ।  
 यम् का॒मये॑त । का॒मये॑त ता॒जक् । ता॒जक् पा॒प्मनः॑ । पा॒प्मनो॑ निः ।  
 निर् मु॑च्यत । मु॒च्यते॑ति । इति॑ सर्वा॑णि । सर्वा॑णि तस्य॑ ।  
 तस्या॑नु॒द्रुत्य॑ । अ॒नु॒द्रुत्य॑ जुहु॒यात् । अ॒नु॒द्रुत्ये॑त्यनु - द्रु॒त्य ।  
 जु॒हुया॑त् ता॒जक् । ता॒जगे॒व । ए॒व पा॒प्मनः॑ । पा॒प्मनो॑ निः ।

निर् मु॑च्यते । मु॒च्यतेऽथो॑ ॥ अथो॒ खलु॑ । अथो॒ इत्यथो॑ ॥  
 खलु॑ नाना॑ ॥ नानै॒व । ए॒व सू॒क्ताभ्याम् ॥ सू॒क्ताभ्याम् जु॒होति॑ ॥  
 सू॒क्ताभ्यामि॑ति सु - उ॒क्ताभ्याम् ॥ जु॒होति॑ नाना॑ ॥ नानै॒व ।  
 ए॒व सू॒क्तयोः॑ ॥ सू॒क्तयोर् वी॒र्यम् ॥ सू॒क्तयो॒रिति॑ सु - उ॒क्तयोः॑ ॥  
 वी॒र्यम् द॑धाति । द॒धात्यथो॑ ॥ अथो॒ प्रति॑ष्ठित्यै ॥ अथो॒ इत्यथो॑ ॥  
 प्रति॑ष्ठित्या इति॒ प्रति - स्थि॒त्यै ॥ 23 (40/46) (दे॒वाः - प्रा॑जाप॒त्यो  
 - वृ॒त्र - श्चि॒रम् पा॒प्मन् - श्चत्वा॒रि॒ञ्च) (A5)

**TS 5.4.6.1 - Kramam**

उदे॑नम् । ए॒नमु॒त्तराम् ॥ उ॒त्तराम् न॑य । उ॒त्तरामि॑त्युत् - त॒राम् ।  
 न॒येति॑ । इति॒ समि॑धः । समि॒ध आ । समि॒ध इति॑ सम् - इ॒धः ।  
 आ द॑धाति । द॒धाति॑ यथा॑ ॥ यथा॑ ज॒नम् । ज॒नम् य॑ते । य॒तेऽव॑सम् ।  
 अ॒व॒सम् क॒रोति॑ । क॒रोति॑ ता॒दृक् । ता॒दृगे॒व । ए॒व तत् । तत् ति॒स्रः ।  
 ति॒स्र आ । आ द॑धाति । द॒धाति॑ त्रि॒वृत् । त्रि॒वृद् वै । त्रि॒वृदि॑ति  
 त्रि - वृ॒त् । वा अ॒ग्निः । अ॒ग्निर् या॒वान् । या॒वाने॒व । ए॒वाग्निः॑ ।  
 अ॒ग्निस्त॑स्मै ॥ तस्मै॑ भा॒गधे॑यम् । भा॒गधे॑यम् क॒रोति॑ ।

## तैत्तिरीय संहिता क्रम पाठे (TS 5.4)

भा॒ग॒धे॒य॒मि॒ति॒ भा॒ग - धे॒य॒म् । क॒रो॒त्यौ॒दु॒म्ब॒रीः । औ॒दु॒म्ब॒री॒र् भ॒वन्ति॑ ।  
भ॒व॒न्त्यूर्क॑ । ऊ॒र्ग॒ वै । वा उ॒दु॒म्ब॒रः । उ॒दु॒म्ब॒र ऊ॒र्ज॒म् । ऊ॒र्ज॒मे॒व ।  
ए॒वा॒स्मै॑ । अ॒स्मा॒ अपि॑ । अपि॑ द॒धा॒ति । द॒धा॒त्यु॒त् । उ॒दु॒ । उ॒ त्वा॒ ।  
त्वा॒ वि॒श्वे॑ । वि॒श्वे॑ दे॒वाः । दे॒वा इति॑ । इ॒त्या॒ह । आ॒ह प्रा॒णाः ।  
प्रा॒णा वै । प्रा॒णा इति॑ प्र - अ॒नाः । वै वि॒श्वे॑ । वि॒श्वे॑ दे॒वाः ।  
दे॒वाः प्रा॒णैः । प्रा॒णैरे॒व । प्रा॒णैरि॒ति प्र - अ॒नैः । 24 (50/56)

### TS 5.4.6.2 - Kramam

ए॒वैन॑म् । ए॒न॒मु॒त् । उ॒द् य॒च्छ॒ते । य॒च्छ॒तेऽग्ने॑ । अ॒ग्ने॒ भर॑न्तु । भर॑न्तु  
चि॒त्ति॑भिः । चि॒त्ति॑भि॒रि॒ति॑ । चि॒त्ति॑भि॒रि॒ति॑ चि॒त्ति॑ - भिः । इ॒त्या॒ह ।  
आ॒ह य॒स्मै॑ । य॒स्मा॒ ए॒व । ए॒वैन॑म् । ए॒न॒म् चि॒त्ताय॑ । चि॒त्तायो॒द्य॒च्छ॒ते ।  
उ॒द्य॒च्छ॒ते ते॒न । उ॒द्य॒च्छ॒त इत्यु॑त् - य॒च्छ॒ते । ते॒नै॒व । ए॒वैन॑म् । ए॒न॒ञ्  
स॒म् । स॒म॒र्द्ध॒यति॑ । अ॒र्द्ध॒यति॑ प॒ञ्च । प॒ञ्च दि॒शः । दि॒शो॒ दै॒वीः ।  
दै॒वी॒र् य॒ज्ञ॒म् । य॒ज्ञ॒म॒व॒न्तु । अ॒व॒न्तु दे॒वीः । दे॒वीरि॑ति । इ॒त्या॒ह ।  
आ॒ह दि॒शः । दि॒शो॒ हि । ह्ये॒षः । ए॒षोऽनु॑ । अ॒नु प्र॒च्य॒वते॑ ।  
प्र॒च्य॒वते॑ऽप । प्र॒च्य॒वत॑ इति प्र - च्य॒वते॑ । अ॒पा॒म॒ति॒म् ।  
अ॒म॒ति॒म् दु॒र्म॒ति॒म् । दु॒र्म॒ति॒म् बा॒ध॒मा॒नाः । दु॒र्म॒ति॒मि॒ति॑ दुः - म॒ति॒म् ।

बा॒ध॒मा॒ना इति॑ । इत्या॒ह । आ॒ह र॒क्ष॒साम् । र॒क्ष॒साम॒प॒ह॒त्यै । अ॒प॒ह॒त्यै  
 रा॒यः । अ॒प॒ह॒त्या इत्य॑प – ह॒त्यै । रा॒य॒स्पो॒षे ॥ पो॒षे य॒ज्ञ॒प॒तिम् ।  
 य॒ज्ञ॒प॒ति॒मा॒भ॒ज॒न्तीः । य॒ज्ञ॒प॒ति॒मि॒ति य॒ज्ञ – प॒तिम् । आ॒भ॒ज॒न्ती॒रि॒ति ।  
 आ॒भ॒ज॒न्ती॒रि॒त्या ॥ – भ॒ज॒न्तीः । इत्या॒ह । आ॒ह प॒श॒वः । प॒श॒वो वै ।  
 वै रा॒यः । रा॒य॒स्पो॒षः । पो॒षः प॒शून् । 25 (50/57)

**TS 5.4.6.3 - Kramam**

प॒शू॒ने॒व । ए॒वा॒व । अ॒व रु॒न्धे । रु॒न्धे ष॒ड्भिः । ष॒ड्भिर् ह॒रति॑ ।  
 ष॒ड्भि॒रि॒ति षट् – भिः । ह॒रति॑ षट् । षड् वै । वा ऋ॒त॒वः । ऋ॒त॒व  
 ऋ॒तु॒भिः । ऋ॒तु॒भि॒रे॒व । ऋ॒तु॒भि॒रि॒त्यु॒तु-भिः । ए॒वैन॑म् । ए॒नञ् ह॒रति॑ ।  
 ह॒रति॑ द्वे । द्वे प॒रि॒गृ॒ह्य॒वती॑ । द्वे इति॑ द्वे । प॒रि॒गृ॒ह्य॒वती॑ भ॒वतः॑ ।  
 प॒रि॒गृ॒ह्य॒वती॑ इति॑ प॒रि॒गृ॒ह्य-वती॑ । भ॒वतो॑ र॒क्ष॒साम् । र॒क्ष॒साम॒प॒ह॒त्यै ।  
 अ॒प॒ह॒त्यै सू॒र्य॒र॒श्मिः॑ । अ॒प॒ह॒त्या इत्य॑प – ह॒त्यै । सू॒र्य॒र॒श्मिर्  
 ह॒रि॒केशः॑ । सू॒र्य॒र॒श्मि॒रि॒ति सू॒र्य – र॒श्मिः॑ । ह॒रि॒केशः॑ पु॒रस्ता॑त् ॥  
 ह॒रि॒केश॑ इति॑ ह॒रि – केशः॑ । पु॒रस्ता॑दिति॑ । इत्या॒ह । आ॒ह प्र॒सू॒त्यै ।  
 प्र॒सू॒त्यै ततः॑ । प्र॒सू॒त्या इति॑ प्र – सू॒त्यै । ततः॑ पा॒व॒काः ।  
 पा॒व॒का आ॒शिषः॑ । आ॒शिषो॑ नः । आ॒शिष॑ इत्या – शिषः॑ ।

नो जुषन्ताम् । जुषन्तामिति । इत्याह । आहान्नम् । अन्नम् वै ।  
 वै पावकः । पावकोऽन्नम् । अन्नमेव । एवाव । अव रुन्धे । रुन्धे  
 देवासुराः । देवासुराः सम्यत्ताः । देवसुरा इति देव - असुराः ।  
 सम्यत्ता आसन् । सम्यत्ता इति सम् - यत्ताः । आसन् ते ।  
 ते देवाः । देवा एतत् । एतदप्रतिरथम् । अप्रतिरथमपश्यन् ।  
 अप्रतिरथमित्यप्रति - रथम् । अपश्यन् तेन । तेन वै । वै ते ।  
 तेऽप्रति । अप्रत्यसुरान् । 26 (50/62)

**TS 5.4.6.4 - Kramam**

असुरानजयन् । अजयन् तत् । तदप्रतिरथस्य ।  
 अप्रतिरथस्याप्रतिरथत्वम् । अप्रतिरथस्येत्यप्रति - रथस्य ।  
 अप्रतिरथत्वम् यत् । अप्रतिरथत्वमित्यप्रतिरथ - त्वम् ।  
 यदप्रतिरथम् । अप्रतिरथम् द्वितीयः । अप्रतिरथमित्यप्रति - रथम् ।  
 द्वितीयो होता । होताऽन्वाह । अन्वाहाप्रति । अन्वाहेत्यनु - आह ।  
 अप्रत्येव । एव तेन । तेन यजमानः । यजमानो भ्रातृव्यान् ।  
 भ्रातृव्यान् जयति । जयत्यथो । अथो अनभिजितम् । अथो इत्यथो ।  
 अनभिजितमेव । अनभिजितमित्यनभि - जितम् । एवाभि ।

अ॒भि॒ ज॒य॒ति॑ । ज॒य॒ति॑ द॒श॒र्च॒म् । द॒श॒र्च॒म् भ॒व॒ति॑ । द॒श॒र्च॒मि॒ति॑  
 द॒श – ऋ॒च॒म् । भ॒व॒ति॑ द॒शा॒क्ष॒रा॑ । द॒शा॒क्ष॒रा॑ वि॒राट् । द॒शा॒क्ष॒रे॒ति॑  
 द॒श – अ॒क्ष॒रा॑ । वि॒राड् वि॒रा॒जा॑ । वि॒राडि॒ति॑ वि – राट् । वि॒रा॒जे॒मौ॑ ।  
 वि॒रा॒जे॒ति॑ वि-रा॒जा॑ । इ॒मौ लो॒कौ॑ । लो॒कौ वि॒धृ॒तौ॑ । वि॒धृ॒ता॒व॒न॒योः॑ ।  
 वि॒धृ॒ता॒वि॒ति॑ वि – धृ॒तौ॑ । अ॒न॒यो॒र् लो॒क॒योः॑ । लो॒क॒यो॒र् वि॒धृ॒त्यै॑ ।  
 वि॒धृ॒त्या॒ अथो॑ । वि॒धृ॒त्या॒ इति॑ वि – धृ॒त्यै॑ । अथो॑ द॒शा॒क्ष॒रा॑ ।  
 अथो॑ इत्यथो॑ । द॒शा॒क्ष॒रा॑ वि॒राट् । द॒शा॒क्ष॒रे॒ति॑ द॒श – अ॒क्ष॒रा॑ ।  
 वि॒राड॒न्न॒म् । वि॒राडि॒ति॑ वि – राट् । अ॒न्न॒म् वि॒राट् । वि॒राड् वि॒रा॒जि॑ ।  
 वि॒राडि॒ति॑ वि – राट् । वि॒रा॒ज्ये॒व । वि॒रा॒जी॒ति॑ वि-रा॒जि॑ । ए॒वा॒न्नाद्यै॑ ।  
 अ॒न्नाद्ये॑ प्र॒ति॑ । अ॒न्नाद्य॑ इत्यन्न – अद्ये॑ । प्र॒ति॑ तिष्ठति । तिष्ठ॒त्य॒स॒त् ।  
 अ॒स॒दि॒व । इ॒व वै॑ । वा अ॒न्त॒रि॒क्ष॒म् । अ॒न्त॒रि॒क्ष॒म॒न्त॒रि॒क्ष॒म् ।  
 अ॒न्त॒रि॒क्ष॒मि॒व । इ॒वा॒ग्नी॒द्ध॒म् । आ॒ग्नी॒द्ध॒मा॒ग्नी॒द्धे॑ ।  
 आ॒ग्नी॒द्ध॒मि॒त्याग्नि॑ – इ॒द्ध॒म् । आ॒ग्नी॒द्धे॑ऽश्मा॒न॒म् ।  
 आ॒ग्नी॒द्ध॒ इत्याग्नि॑ – इ॒द्धे॑ । 27 (50/70)

**TS 5.4.6.5 - Kramam**

अ॒श्मा॒नम्॑ नि॒ । नि॒ द॒धा॒ति॑ । द॒धा॒ति॑ स॒त्त्वा॒य॑ । स॒त्त्वा॒य॑ द्वा॒भ्याम्॑ ॥  
स॒त्त्वा॒ये॒ति॑ सत् - त्वा॒य॑ । द्वा॒भ्याम्॑ प्र॒ति॒ष्ठि॒त्यै॑ । प्र॒ति॒ष्ठि॒त्यै॑ वि॒मानः॑ ।  
प्र॒ति॒ष्ठि॒त्या॑ इति॒ प्र॒ति - स्थि॒त्यै॑ । वि॒मान॑ ए॒षः । वि॒मान॑ इति॒  
वि-॒मानः॑ । ए॒ष दि॒वः॑ । दि॒वो म॒द्ध्ये॑ ॥ म॒द्ध्य॑ आ॒स्ते॑ । आ॒स्त॒ इति॑ ।  
इ॒त्याह॑ । आ॒ह वि॑ । व्ये॒व । ए॒वैत॒या॑ ॥ ए॒त॒या॑ मि॒मी॒ते॑ । मि॒मी॒ते॑ म॒द्ध्ये॑ ॥  
म॒द्ध्ये॑ दि॒वः॑ । दि॒वो नि॒हितः॑ । नि॒हितः॑ पृ॒श्निः॑ । नि॒हित॑ इति॒  
नि - हि॒तः॑ ॥ पृ॒श्नि॒रश्मा॑ ॥ अ॒श्मे॒ति॑ । इ॒त्याह॑ । आ॒हान्न॑म् ।  
अ॒न्नम्॑ वै ॥ वै पृ॒श्नि॑ । पृ॒श्न्य॒न्नम्॑ ॥ अ॒न्नमे॒व॑ । ए॒वाव॑ । अ॒व रु॒न्धे॑ ।  
रु॒न्धे च॒त॒सृ॒भिः॑ । च॒त॒सृ॒भि॒रा॑ । च॒त॒सृ॒भि॒रि॒ति॑ च॒त॒सृ - भिः॑ ।  
आ पु॒च्छा॑त् ॥ पु॒च्छा॑देति॒ । ए॒ति च॒त्वा॒रि॑ । च॒त्वा॒रि॑ छ॒न्दा॑सि॒ ।  
छ॒न्दा॑सि॒ छ॒न्दो॑भिः॒ । छ॒न्दो॑भि॒रे॒व॑ । छ॒न्दो॑भि॒रि॒ति॑ छ॒न्दः - भिः॑ ।  
ए॒वेन्द्र॑म् ॥ इन्द्र॑म् विश्वाः॑ ॥ विश्वा॑ अ॒वी॒वृ॒ध॒न् ॥ अ॒वी॒वृ॒ध॒न्नि॒ति॑ ।  
इ॒त्याह॑ । आ॒ह वृ॒द्धि॑म् ॥ वृ॒द्धि॑मे॒व॑ । ए॒वोपा॑वर्तते ।  
उ॒पा॑वर्तते॒ वाजा॑नाम् । उ॒पा॑वर्तत॒ इत्यु॑प - आ॒वर्त॑ते ।



वा॒जा॒ना॒ꣳ स॒त्प॒ति॒म् । स॒त्प॒ति॒म् प॒ति॒म् । स॒त्प॒ति॒मि॒ति॒ सत् - प॒ति॒म् ।  
प॒ति॒मि॒ति॒ । 28 (50/58)

**TS 5.4.6.6 - Kramam**

इ॒त्याह॑ । आ॒हा॒न्न॒म् । अ॒न्न॒म् वै॑ । वै वा॒जः॑ । वा॒जोऽन्न॑म् । अ॒न्नमे॒व ।  
ए॒वाव॑ । अ॒व रु॒न्धे॑ । रु॒न्धे सु॒म्न॒हूः॑ । सु॒म्न॒हूर् य॒ज्ञः॑ । सु॒म्न॒हूरि॑ति  
सु॒म्न - हूः॑ । य॒ज्ञो दे॒वान् । दे॒वाꣳ आ॑ । आ च॑ । च व॒क्षत्॑ ।  
व॒क्षदि॑ति । इ॒त्याह॑ । आ॒ह प्र॒जा । प्र॒जा वै॑ । प्र॒जेति॑ प्र - जा ।  
वै प॒शवः॑ । प॒शवः॑ सु॒म्न॒म् । सु॒म्न॒म् प्र॒जाम्॑ । प्र॒जामे॒व । प्र॒जामि॑ति  
प्र - जा॒म् । ए॒व प॒शून्॑ । प॒शूना॒त्मन्॑ । आ॒त्मन् ध॑त्ते । ध॒त्ते य॑क्षत् ।  
य॒क्षद॒ग्निः॑ । अ॒ग्निर् दे॒वः॑ । दे॒वो दे॒वान् । दे॒वाꣳ आ॑ । आ च॑ ।  
च व॒क्षत्॑ । व॒क्षदि॑ति । इ॒त्याह॑ । आ॒ह स्व॒गाकृ॑त्यै । स्व॒गाकृ॑त्यै  
वा॒जस्य॑ । स्व॒गाकृ॑त्या इति॑ स्व॒गा - कृ॑त्यै । वा॒जस्य॑ मा ।  
मा प्र॒सवे॑न । प्र॒सवे॑नोद्ग्रा॒भेण॑ । प्र॒सवे॑नेति॑ प्र - स॒वेन॑ ।  
उद्ग्रा॒भेणो॑त् । उद्ग्रा॒भेणे॑त्युत् - ग्रा॒भेण॑ । उद॒ग्रभी॑त् । अ॒ग्रभी॑दि॒ति॒ ।  
इ॒त्याह॑ । आ॒हा॒सौ । अ॒सौ वै॑ । वा आ॒दि॒त्यः॑ । आ॒दि॒त्य उ॒द्यन्॑ ।  
उ॒द्यन्नु॑द्ग्रा॒भः॑ । उ॒द्यन्नि॑त्युत् - यन् । उद्ग्रा॒भ ए॒षः ( ) ।

उद्ग्रा॒भ इत्यु॑त् - ग्रा॒भः । ए॒ष नि॒म्रोच॑न् । नि॒म्रोच॑न् नि॒ग्राभः॑ ।  
नि॒म्रोच॑न्निति॑ नि - म्रोच॑न् । नि॒ग्राभो॑ ब्रह्म॑णा । नि॒ग्राभ इति॑  
नि - ग्रा॒भः । ब्रह्म॑णैव । ए॒वात्मान॑म् । आ॒त्मान॑मुद्गृ॒ह्णाति॑ ।  
उद्गृ॒ह्णाति॑ ब्रह्म॑णा । उद्गृ॒ह्णातीत्यु॑त् - गृ॒ह्णाति॑ । ब्रह्म॑णा भ्रातृ॑व्यम् ।  
भ्रातृ॑व्यम् नि । नि गृ॒ह्णाति॑ । गृ॒ह्णातीति॑ गृ॒ह्णाति॑ ॥ 29 (60/71)

(प्रा॒णैः-पोषा॑-प्र॒त्या-ग्नी॑द्धे-पति॑-मेष॑-दश॑ च) (A6)

**TS 5.4.7.1 - Kramam**

प्रा॒चीम॑नु । अनु॑ प्र॒दिश॑म् । प्र॒दिश॑म् प्र । प्र॒दिश॑मिति॑ प्र - दि॒शम् ॥  
प्रेहि॑ । इ॒हि वि॒द्वान् । वि॒द्वानिति॑ । इत्या॑ह । आ॒ह दे॒वलो॑कम् ।  
दे॒वलो॑कमे॒व । दे॒वलो॑कमिति॑ दे॒व - लो॑कम् । ए॒वैतया॑ ॥  
ए॒तयो॑पाव॒र्तते॑ । उ॒पाव॒र्तते॑ क्र॒मद्ध्व॑म् । उ॒पाव॒र्तत॑ इत्यु॑प - आ॒व॒र्तते॑ ।  
क्र॒मद्ध्व॑मग्नि॑ना ॥ अ॒ग्निना॑ ना॒कम् ॥ ना॒कमिति॑ । इत्या॑ह ।  
आ॒हेमा॑न् । इ॒माने॑व । ए॒वैतया॑ ॥ ए॒तया॑ लो॒कान् । लो॒कान् क्र॑मते ।  
क्र॒मते॑ पृथि॒व्याः । पृथि॒व्या अ॒हम् । अ॒हमु॑त् । उद॑न्तरि॒क्षम् ।  
अ॒न्तरि॒क्षमा॑ । आ॒रुह॑म् । अ॒रुह॑मिति॑ । इत्या॑ह । आ॒हेमा॑न् ।  
इ॒माने॑व । ए॒वैतया॑ ॥ ए॒तया॑ लो॒कान् । लो॒कान्त् समा॑रोहति ।

स॒मारो॑हति॒ सुवः॑ । स॒मारो॑हतीति॒ सम् - आरो॑हति । सु॒वर्य॑न्तः ।  
यन्तो॒ न । नाप॑ । अपे॒क्षन्ते॑ । ई॒क्षन्त॑ इति । इत्याह॑ । आ॒ह सु॒वर्ग॑म् ।  
सु॒वर्ग॑मेव । सु॒वर्ग॑मिति॒ सुवः॑ - गम् । ए॒वैतया॑ ॥ ए॒तया॑ लो॒कम् ।  
लो॒कमे॑ति । ए॒त्यग्ने॑ ॥ अ॒ग्ने प्र॑ । प्रेहि॑ । इ॒हि प्र॒थमः॑ । 30 (50/55)

**TS 5.4.7.2 - Kramam**

प्र॒थमो॑ दे॒वय॑ताम् । दे॒वय॑तामिति॒ देव - य॑ताम् ।  
इत्याह॑ । आ॒हो॒भये॑षु । उ॒भये॑ष्वेव । ए॒वैतया॑ ॥ ए॒तया॑ दे॒वमनु॑ष्येषु ।  
दे॒वमनु॑ष्येषु चक्षुः॑ । दे॒वमनु॑ष्येष्विति॒ देव-मनु॑ष्येषु । चक्षु॑र् दधाति ।  
दधा॑ति प॒ञ्चभिः॑ । प॒ञ्चभि॑रधि । प॒ञ्चभि॑रिति॒ पञ्च - भिः॑ ।  
अधि॑ क्रा॒मति॑ । क्रा॒मति॑ पा॒ङ्क्तः॑ । पा॒ङ्क्तो॑ य॒ज्ञः । य॒ज्ञो या॑वान् ।  
या॑वा॒नेव॑ । ए॒व य॒ज्ञः । य॒ज्ञस्तेन॑ । तेन॑ स॒ह । स॒ह सु॒वर्ग॑म् । सु॒वर्ग॑म्  
लो॒कम् । सु॒वर्ग॑मिति॒ सुवः॑ - गम् । लो॒कमे॑ति । ए॒ति न॑क्तो॒षासा॑ ॥  
न॑क्तो॒षासे॑ति । इति॑ पु॒रोनु॑वा॒क्याम् । पु॒रोनु॑वा॒क्यामनु॑ ।  
पु॒रोनु॑वा॒क्यामिति॑ पु॒रः - अ॒नुवा॑क्याम् । अ॒न्वाह॑ । आ॒ह प्र॒त्यै ॥  
प्र॒त्या अ॒ग्ने ॥ अ॒ग्ने स॒हस्रा॑क्ष । स॒हस्रा॑क्षेति॑ ।  
स॒हस्रा॑क्षेति॑ स॒हस्र - अ॒क्ष । इत्याह॑ । आ॒ह सा॒हस्रः॑ ।

## तैत्तिरीय संहिता क्रम पाठे (TS 5.4)

सा॒ह॒स्रः॑ प्र॒जा॒प॒तिः॑ । प्र॒जा॒प॒तिः॑ प्र॒जा॒प॒तेः॑ । प्र॒जा॒प॒ति॒रि॒ति॑  
प्र॒जा - प॒तिः॑ । प्र॒जा॒प॒ते॒रा॒प्त्यै॑ ॥ प्र॒जा॒प॒ते॒रि॒ति॑ प्र॒जा - प॒तेः॑ । आ॒प्त्यै॑  
तस्मै॑ ॥ तस्मै॑ ते । ते वि॒धेम॑ । वि॒धेम॑ वाजाय । वाजाय॑ स्वाहा ॥  
स्वाहे॑ति । इत्याह॑ । आ॒हा॒न्नम्॑ ॥ अ॒न्नम्॑ वै । वै वाजः॑ । वाजोऽन्नम्॑ ।  
अ॒न्नमे॒व । ए॒वाव॑ । अ॒व रु॒न्धे । 31 (50/58)

### **TS 5.4.7.3 - Kramam**

रु॒न्धे द॒ध्नः॑ । द॒ध्नः॑ पू॒र्णाम्॑ । पू॒र्णामौ॑दु॒म्बरी॑म् । औ॒दु॒म्बरी॑ ॐ  
स्वय॑मा॒तृ॒ण्णायाम्॑ ॥ स्वय॑मा॒तृ॒ण्णायाम्॑ जुहोति । स्वय॑मा॒तृ॒ण्णायामि॒ति॑  
स्वय॑म्-आ॒तृ॒ण्णायाम्॑ । जुहो॑त्यूर्क॑ । ऊ॒र्ग्वै॑ । वै दधि॑ । द॒ध्द्यूर्क॑ ।  
ऊ॒र्गु॑दु॒म्बरः॑ । उ॒दु॒म्बरो॑ऽसौ । अ॒सौ स्वय॑मा॒तृ॒ण्णा ।  
स्वय॑मा॒तृ॒ण्णाऽमु॒ष्याम्॑ ॥ स्वय॑मा॒तृ॒ण्णेति॑ स्वय॑म् - आ॒तृ॒ण्णा ।  
अ॒मु॒ष्यामे॒व । ए॒वो॒र्जम्॑ । ऊ॒र्जम्॑ दधाति । द॒धाति॑ तस्मात् ।  
तस्मा॑द॒मु॒तः॑ । अ॒मु॒तो॒ऽर्वा॒चीम्॑ । अ॒र्वा॒ची॒मूर्ज॑म् । ऊ॒र्ज॒मु॒प ।  
उ॒प जी॒वामः॑ । जी॒वाम॒स्ति॒सृ॒भिः॑ । ति॒सृ॒भिः॑ सादयति । ति॒सृ॒भि॒रिति॑  
ति॒सृ - भिः॑ । सा॒दय॑ति त्रि॒वृत् । त्रि॒वृद् वै । त्रि॒वृदि॑ति त्रि - वृत् ।  
वा अ॒ग्निः॑ । अ॒ग्निर् या॒वान् । या॒वाने॒व । ए॒वाग्निः॑ । अ॒ग्नि॒स्तम्॑ ।

तम् प्रतिष्ठाम् । प्रतिष्ठाम् गमयति । प्रतिष्ठामिति प्रति - स्थाम् ।  
 गमयति प्रेद्धः । प्रेद्धो अग्ने । प्रेद्ध इति प्र - इद्धः । अग्ने दीदिहि ।  
 दीदिहि पुरः । पुरो नः । न इति । इत्यौदुम्बरीम् । औदुम्बरीमा ।  
 आ दधाति । दधात्येषा । एषा वै । वै सूर्मी । सूर्मी कर्णकावती ।  
 कर्णकावत्येतया ॥ कर्णकावतीति कर्णक - वती । एतया ह । ह स्म ।

स्म वै । 32 (50/57)

**TS 5.4.7.4 - Kramam**

वै देवाः । देवा असुराणाम् । असुराणाञ् शततरुहान् ।  
 शततरुहाञ्स्तृहन्ति । शततरुहानिति शत - तरुहान् । तृहन्ति  
 यत् । यदेतया ॥ एतया समिधम् ॥ समिधमादधाति । समिधमिति  
 सम् - इधम् ॥ आदधाति वज्रम् ॥ आदधातीत्या - दधाति ।  
 वज्रमेव । एवैतत् । एतच्छतघ्नीम् । शतघ्नीम् यजमानः ।  
 शतघ्नीमिति शत - घ्नीम् । यजमानो भ्रातृव्याय । भ्रातृव्याय प्र ।  
 प्र हरति । हरति स्तृत्यै ॥ स्तृत्या अच्छम्बट्कारम् । अच्छम्बट्कारम्  
 विधेम । अच्छम्बट्कारमित्यच्छम्बट् - कारम् । विधेम ते । ते परमे ।  
 परमे जन्मन् । जन्मन् अग्ने । अग्न इति । इति वैकङ्कतीम् ।

वैकङ्कती॑मा । आ॑ द॒धाति॑ । द॒धाति॑ भाः । भा॑ ए॒व । ए॒वाव॑ । अ॒व  
रुन्धे॑ । रुन्धे॑ ता॒म् । ता॒ꣳ स॒वितुः॑ । स॒वितुर् वरे॑ण्यस्य । वरे॑ण्यस्य  
चि॒त्राम् । चि॒त्रामि॑ति । इति॑ श॒मीमयी॑म् । श॒मीमयी॑ꣳ शान्त्यै॑ ॥  
श॒मीमयी॑मि॒ति श॒मी - मयी॑म् । शान्त्या॑ अ॒ग्निः । अ॒ग्निर् वा ॥  
वा॒ ह । ह॒ वै । वा॒ अ॒ग्नि॒चितम् ॥ अ॒ग्नि॒चितम् दु॒हे ।  
अ॒ग्नि॒चित॒मित्य॑ग्नि - चि॒तम् ॥ दु॒हेऽग्नि॑चित् । अ॒ग्नि॒चिद् वा ॥  
अ॒ग्नि॒चिदि॑त्यग्नि - चि॒त् । वा॒ऽग्नि॑म् । अ॒ग्निम् दु॒हे । दु॒हे ता॒म् ।  
ता॒ꣳ स॒वितुः॑ । 33 (50/58)

**TS 5.4.7.5 - Kramam**

स॒वितुर् वरे॑ण्यस्य । वरे॑ण्यस्य चि॒त्राम् । चि॒त्रामि॑ति । इत्या॑ह ।  
आ॒हैषः॑ । ए॒ष वै । वा॒ अ॒ग्नेः॑ । अ॒ग्नेर् दो॑हः । दो॑हस्तम् । तम॑स्य ।  
अ॒स्य क॑ण्वः । क॑ण्व ए॒व । ए॒व श्रा॑यसः । श्रा॑यसोऽवे॑त् ।  
अ॒वेत् ते॑न । ते॑न ह । ह॒ स्म । स्मै॒नम् । ए॒नꣳ सः॑ । स॒ दु॒हे ।  
दु॒हे यत् । यदे॒तया॑ । ए॒तया॑ स॒मिध॑म् । स॒मिध॑मा॒दधा॑ति । स॒मिध॑मि॒ति  
स॒म् - इ॒धम् ॥ आ॒दधा॑त्यग्नि॒चित् । आ॒दधा॑तीत्या - द॒धाति॑ ।  
अ॒ग्नि॒चिदे॑व । अ॒ग्नि॒चिदि॑त्यग्नि - चि॒त् । ए॒व तत् । तद॑ग्निम् ।

अ॒ग्निम् दु॑हे । दु॒हे स॒प्त । स॒प्त ते॑ ॥ ते अ॒ग्ने । अ॒ग्ने स॒मिधः॑ ।  
स॒मिधः॑ स॒प्त । स॒मिध इति॑ सम् - इ॒धः । स॒प्त जि॒ह्वाः । जि॒ह्वा  
इति॑ । इत्या॑ह । आ॒ह स॒प्त । स॒प्तैव॑ । ए॒वास्य॑ । अ॒स्य सा॒प्तानि॑ ।  
सा॒प्तानि॑ प्रीणाति । प्रीणाति पूर्णया॑ ॥ पूर्णया॑ जुहोति ।  
जुहोति॑ पूर्णः । पूर्ण इव॑ । इव॑ हि । हि प्रजापतिः॑ । प्रजापतिः॑  
प्रजापतेः॑ । प्रजापतिरिति॑ प्रजा - पतिः॑ । प्रजापतेराप्त्यै॑ ॥  
प्रजापतेरिति॑ प्रजा - पतेः॑ । 34 (50/56)

**TS 5.4.7.6 - Kramam**

आप्त्यै॑ न्यूनया । न्यूनया जुहोति । न्यूनयेति॑ नि - ऊनया॑ । जुहोति॑  
न्यूनात् । न्यूनाद्धि॑ । न्यूनादिति॑ नि - ऊनात् । हि प्रजापतिः॑ ।  
प्रजापतिः॑ प्रजाः । प्रजापतिरिति॑ प्रजा - पतिः॑ । प्रजा असृजत ।  
प्रजा इति॑ प्र - जाः । असृजत प्रजानाम् । प्रजानां॑ सृष्ट्यै॑ ॥  
प्रजानामिति॑ प्र - जानाम् । सृष्ट्या॑ अग्निः । अग्निर् देवेभ्यः॑ ।  
देवेभ्यो॑ निलायत । निलायत सः । स दिशः॑ । दिशोऽनु॑ । अनु प्र ।  
प्राविशत् । अविशज् जुह्वत् । जुह्वन् मनसा॑ । मनसा॑ दिशः॑ ।  
दिशो॑ ध्यायेत् । ध्यायेद् दिग्भ्यः॑ । दिग्भ्य एव॑ ।

दिग्भ्य इति दिक् - भ्यः । ए॒वैन॑म् । ए॒नम॑व । अ॒व रु॑न्धे । रु॒न्धे  
द॒ध्ना । द॒ध्ना पु॒रस्ता॑त् । पु॒रस्ता॑ज् जु॒होति॑ । जु॒हो॒त्याज्ये॑न ।  
आज्ये॑नो॒परि॑ष्ठात् । उ॒परि॑ष्ठात् तेजः । तेजश्च॑ । चै॒व । ए॒वास्मै॑ ॥  
अ॒स्मा इ॒न्द्रिय॑म् । इ॒न्द्रिय॑म् च । च॒ समी॑ची । समी॑ची दधाति ।  
समी॑ची इति॑ समी॑ची ॥ द॒धाति॑ द्वाद॒शक॑पालः । द्वाद॒शक॑पालो  
वैश्वान॑रः । द्वाद॒शक॑पाल इति॑ द्वाद॒श - क॑पालः । वैश्वान॑रो भवति ।  
भवति॑ द्वाद॒श । द्वाद॒श मा॑साः । मा॑साः सम्॑व॒त्सरः॑ । सम्॑व॒त्सरः  
सम्॑व॒त्सरः । सम्॑व॒त्सर इति॑ सम् - व॒त्सरः॑ । सम्॑व॒त्सरो॑ऽग्निः ।  
सम्॑व॒त्सर इति॑ सम् - व॒त्सरः॑ । अ॒ग्निर् वैश्वान॑रः । वैश्वान॑रः  
सा॒क्षात् । सा॒क्षादे॒व । सा॒क्षादि॑ति स - अ॒क्षात् । 35 (50/61)

**TS 5.4.7.7 - Kramam**

ए॒व वैश्वान॑रम् । वैश्वान॑रम॒व । अ॒व रु॑न्धे । रु॒न्धे यत् । यत्  
प्र॒याजा॑नू॒याजा॑न् । प्र॒याजा॑नू॒याजा॑न् कु॒र्यात् । प्र॒याजा॑नू॒याजा॑निति॑  
प्र॒याज - अ॒नूया॑जान् । कु॒र्याद् वि॑क॒स्तिः । वि॑क॒स्तिः सा ।  
वि॑क॒स्तिरिति॑ वि - क॒स्तिः । सा य॒ज्ञस्य॑ । य॒ज्ञस्य॑ द॒र्विहो॑मम् ।



द॒र्वि॒हो॒मम्॑ क॒रोति॑ । द॒र्वि॒हो॒ममि॑ति॒ द॒र्वि॒ - हो॒मम् । क॒रोति॑ य॒ज्ञस्य॑ ।  
 य॒ज्ञस्य॑ प्र॒ति॒ष्ठित्यै॑ । प्र॒ति॒ष्ठित्यै॑ रा॒ष्ट्रम् । प्र॒ति॒ष्ठित्या॑ इति॒ प्र॒ति-स्थि॑त्यै ।  
 रा॒ष्ट्रम् वै॑ ॥ वै वै॑श्वा॒नरः॑ । वैश्वा॒नरो॑ विट् । विण् म॒रुतः॑ । म॒रुतो॑  
 वैश्वा॒नरम् । वैश्वा॒नरञ् हु॒त्वा । हु॒त्वा मा॒रुतान्॑ । मा॒रुतान् जु॑होति ।  
 जु॑होति रा॒ष्ट्रे । रा॒ष्ट्र ए॒व । ए॒व वि॒शम्॑ । वि॒शम॑नु । अनु॑ ब॒द्धना॑ति ।  
 ब॒द्धना॑त्यु॒च्चैः । उ॒च्चैर् वै॑श्वा॒नरस्य॑ । वैश्वा॒नरस्या॑ । आ श्रा॑वयति ।  
 श्रा॒वय॑त्युपाञ्शु । उपाञ्शु॑ मा॒रुतान्॑ । उपाञ्श्वि॑त्युप - अञ्शु॑ ।  
 मा॒रुतान् जु॑होति । जु॑होति॒ तस्मात्॑ ॥ तस्मा॑द् रा॒ष्ट्रम् । रा॒ष्ट्रम् वि॑शम् ॥  
 वि॒शम॑ति । अति॑ व॒दति॑ । व॒दति॑ मा॒रुताः॑ । मा॒रुता॑ भ॒वन्ति॑ ।  
 भ॒वन्ति॑ म॒रुतः॑ । म॒रुतो॑ वै । वै दे॒वानाम्॑ । दे॒वानाम् वि॑शः ।  
 वि॒शो दे॒ववि॑शेन । दे॒ववि॑शेनै॒व । दे॒ववि॑शेनेति॒ दे॒व - वि॑शेन ।  
 ए॒वास्मै॑ ॥ अ॒स्मै म॒नुष्य॑वि॒शम् ( ) । म॒नुष्य॑वि॒शम॑व । म॒नुष्य॑वि॒शमि॑ति  
 म॒नुष्य॑ - वि॒शम् । अ॒व रु॒न्धे । रु॒न्धे स॒प्त । स॒प्त भ॑वन्ति । भ॒वन्ति॑  
 स॒प्तग॑णाः । स॒प्तग॑णा॒ वै । स॒प्तग॑णा॒ इति॑ स॒प्त-ग॑णाः । वै म॒रुतः॑ ।  
 म॒रुतो॑ ग॒णशः॑ । ग॒णश॑ ए॒व । ग॒णश॑ इति॒ गण॑ - शः ॥ ए॒व वि॑शम् ॥

तैत्तिरीय संहिता क्रम पाठे (TS 5.4)

वि॒श॒म॒व॒ । अ॒व॒ रु॒न्धे॑ । रु॒न्धे॑ ग॒णेन॑ । ग॒णेन॑ ग॒णम् । ग॒ण॒म॒नु॒द्रु॒त्य॑ ।  
अ॒नु॒द्रु॒त्य॑ जु॒होति॑ । अ॒नु॒द्रु॒त्ये॒त्यनु॑ - द्रु॒त्य॑ । जु॒होति॑ वि॒श॒म् ॥  
वि॒श॒मे॒व॒ । ए॒वा॒स्मै॑ ॥ अ॒स्मा॒ अनु॑व॒र्त्मान॑म् । अनु॑व॒र्त्मान॑म् करोति॑ ।  
अ॒नु॒व॒र्त्मान॑मित्यनु॑ - व॒र्त्मान॑म् । क॒रोतीति॑ करोति॑ ॥ 36 (71/82)

(अ॒ग्ने॑ प्रे॒ह्य - व॑ - स्म - दु॒हे॑ ता॒म् - प्र॒जा॒प॒तेः॑ - सा॒क्षा॒न् -  
म॑नु॒ष्य॒वि॒श॑ - मे॒क॒वि॒श॑तिश्च) (A7)

**TS 5.4.8.1 - Kramam**

व॒सो॒र् धा॒राम्॑ । धा॒राम् जु॒होति॑ । जु॒होति॑ व॒सोः॑ ॥ व॒सो॒र् मे॑ । मे॒ धा॒रा॑ ॥  
धा॒रा॒ऽस॒त् । अ॒स॒दि॒ति॑ । इति॑ वै । वा ए॒षा॑ । ए॒षा॑ हू॒यते॑ ।  
हू॒यते॑ घृ॒तस्य॑ । घृ॒तस्य॑ वै । वा ए॒नम्॑ । ए॒न॒मे॒षा॑ । ए॒षा॑ धा॒रा॑ ॥  
धा॒रा॒ऽमु॒ष्मिन्॑ । अ॒मु॒ष्मिन् लो॒के॑ । लो॒के॑ पि॒न्व॒मा॒ना॑ । पि॒न्व॒मा॒नो॒प॑ ।  
उ॒प॑ ति॒ष्ठते॑ । ति॒ष्ठत॑ आ॒ज्ये॑न । आ॒ज्ये॑न जु॒होति॑ । जु॒होति॑ ते॒जः॑ ।  
ते॒जो॒ वै॑ । वा आ॒ज्य॑म् । आ॒ज्य॑म् ते॒जः॑ । ते॒जो॒ व॒सोः॑ ॥ व॒सो॒र् धा॒रा॑ ॥  
धा॒रा॑ ते॒जसा॑ । ते॒जसै॒व॑ । ए॒वा॒स्मै॑ ॥ अ॒स्मै॑ ते॒जः॑ । ते॒जो॒ऽव॑ ।  
अ॒व॒ रु॒न्धे॑ । रु॒न्धे॑ऽथो॑ ॥ अ॒थो॒ का॒माः॑ ॥ अ॒थो॒ इत्य॑थो॑ । का॒मा॒ वै॑ ।  
वै व॒सोः॑ ॥ व॒सो॒र् धा॒रा॑ ॥ धा॒रा॑ का॒मान्॑ । का॒मा॒ने॒व॑ । ए॒वा॒व॑ ।

अव॑ रुन्धे॑ । रुन्धे॑ यम् । यम् काम॑येत । काम॑येत प्रा॒णान् ।  
 प्रा॒णानस्य॑ । प्रा॒णानिति॑ प्र – अनान् । अस्यान्नाद्यम्॑ ॥ अन्नाद्यम्॑ वि ।  
 अन्नाद्यमित्यन्न – अद्यम्॑ ॥ विच्छिन्द्याम्॑ ॥ 37 (50/53)

**TS 5.4.8.2 - Kramam**

छिन्द्या॑मिति॑ । इति॑ वि॒ग्राहम्॑ । वि॒ग्राहम्॑ तस्य॑ । वि॒ग्राह॑मिति॑  
 वि – ग्राहम्॑ ॥ तस्य॑ जुहुयात् । जुहु॑यात् प्रा॒णान् । प्रा॒णानेव॑ ।  
 प्रा॒णानिति॑ प्र – अनान् । एवास्य॑ । अस्यान्नाद्यम्॑ ॥ अन्नाद्यम्॑ वि ।  
 अन्नाद्यमित्यन्न – अद्यम्॑ ॥ विच्छिन॑न्ति । छिन॑न्ति यम् । यम् काम॑येत ।  
 काम॑येत प्रा॒णान् । प्रा॒णानस्य॑ । प्रा॒णानिति॑ प्र – अनान् ।  
 अस्यान्नाद्यम्॑ ॥ अन्नाद्य॑ सम् । अन्नाद्यमित्यन्न – अद्यम्॑ ॥  
 सम् तनु॑याम् । तनु॑यामिति॑ । इति॑ सन्तताम् । सन्तताम्॑ तस्य॑ ।  
 सन्तता॑मिति॑ सम् – तताम्॑ । तस्य॑ जुहुयात् । जुहु॑यात् प्रा॒णान् ।  
 प्रा॒णानेव॑ । प्रा॒णानिति॑ प्र – अनान् । एवास्य॑ । अस्यान्नाद्यम्॑ ॥  
 अन्नाद्य॑ सम् । अन्नाद्यमित्यन्न – अद्यम्॑ ॥ सम् तनो॑ति । तनो॑ति  
 द्वाद॑श । द्वाद॑श द्वाद॑शानि । द्वाद॑शानि जुहोति॑ । जुहो॑ति द्वाद॑श ।  
 द्वाद॑श मा॒साः ॥ मा॒साः सम्॑व॒त्सरः॑ । सम्॑व॒त्सरः॑ सम्॑व॒त्सरेण॑ ।

## तैत्तिरीय संहिता क्रम पाठे (TS 5.4)

सम्॑व॒थ्स॒र इति॑ सम् - व॒थ्स॒रः । सम्॑व॒थ्स॒रेणै॒व । सम्॑व॒थ्स॒रेणेति॑  
सम् - व॒थ्स॒रेण॑ । ए॒वास्मै॑ ॥ अ॒स्मा अ॒न्नम् । अ॒न्नम॒व । अ॒व रु॒न्धे ।  
रु॒न्धेऽन्न॑म् ॥ अ॒न्नम् च॑ । च॒ मे । मेऽक्षु॑त् । अ॒क्षुच्च॑ । च॒ मे ।  
म॒ इति॑ । इ॒त्याह॑ । आ॒हैत॑त् । ए॒तद् वै । वा अ॒न्नस्य॑ । 38 (50/60)

### TS 5.4.8.3 - Kramam

अ॒न्नस्य॑ रू॒पम् । रू॒पꣳ रू॒पेण॑ । रू॒पेणै॒व । ए॒वान्न॑म् । अ॒न्नम॒व ।  
अ॒व रु॒न्धे । रु॒न्धेऽग्निः॑ । अ॒ग्निश्च॑ । च॒ मे । म॒ आपः॑ । आ॒पश्च॑ ।  
च॒ मे । म॒ इति॑ । इ॒त्याह॑ । आ॒हैषा॑ । ए॒षा वै । वा अ॒न्नस्य॑ ।  
अ॒न्नस्य॑ यो॒निः । यो॒निः स॒योनि॑ । स॒यो॒न्ये॒व । स॒यो॒नीति॑ स-यो॒नि ।  
ए॒वान्न॑म् । अ॒न्नम॒व । अ॒व रु॒न्धे । रु॒न्धेऽर्द्धेन्द्रा॑णि । अ॒र्द्धेन्द्रा॑णि  
जु॒होति॑ । अ॒र्द्धेन्द्रा॑णीत्यर्द्धेन्द्रा॑णि । जु॒होति॑ दे॒वताः॑ । दे॒वता॑ ए॒व ।  
ए॒वाव॑ । अ॒व रु॒न्धे । रु॒न्धे यत् । यथ् सर्वे॑षाम् । सर्वे॑षामर्द्धम् ।  
अ॒र्द्धमिन्द्रः॑ । इन्द्रः॑ प्र॒ति । प्र॒ति तस्मा॑त् । तस्मा॑दिन्द्रः । इन्द्रो॑  
दे॒वताना॑म् । दे॒वताना॑म् भू॒यिष्ठ॒भाक्त॑मः । भू॒यिष्ठ॒भाक्त॑म॒ इन्द्र॑म् ।  
भू॒यिष्ठ॒भाक्त॑म॒ इति॑ भू॒यिष्ठ॒भाक् - त॒मः । इन्द्र॑मु॒त्तर॑म् । उ॒त्तर॑माह ।  
उ॒त्तर॑मित्युत् - त॒रम् । आ॒हेन्द्रि॒यम् । इन्द्रि॒यमे॒व । ए॒वास्मिन् ।

अ॒स्मिन्नु॒परि॑ष्ठात् । उ॒परि॑ष्ठाद् दधाति । द॒धाति॑ य॒ज्ञायु॑धानि ।

य॒ज्ञायु॑धानि जुहोति । य॒ज्ञायु॑धानीति॑ य॒ज्ञ – आ॒यु॑धानि ।

जुहोति॑ य॒ज्ञः । य॒ज्ञो वै । 39 (50/55)

**TS 5.4.8.4 - Kramam**

वै य॒ज्ञायु॑धानि । य॒ज्ञायु॑धानि य॒ज्ञम् । य॒ज्ञायु॑धानीति॑

य॒ज्ञ – आ॒यु॑धानि । य॒ज्ञमे॒व । ए॒वाव॑ । अ॒व रु॒न्धे॑ । रु॒न्धेऽथो॑ ॥

अथो॑ ए॒तत् । अथो॑ इत्यथो॑ ॥ ए॒तद् वै । वै य॒ज्ञस्य॑ । य॒ज्ञस्य॑ रू॒पम् ।

रू॒पꣳ रू॒पेण॑ । रू॒पेणै॒व । ए॒व य॒ज्ञम् । य॒ज्ञम॒व । अ॒व रु॒न्धे॑ ।

रु॒न्धेऽव॑भृथः । अ॒वभृ॑थश्च । अ॒वभृ॑थ इत्य॒व – भृ॑थः । च॒ मे॒ ।

मे॒ स्व॒गाका॑रः । स्व॒गाका॑रश्च । स्व॒गाका॑र इति॑ स्व॒गा – का॑रः ।

च॒ मे॒ । म॒ इति॑ । इत्या॒ह । आ॒ह स्व॒गाकृ॑त्यै । स्व॒गाकृ॑त्या अ॒ग्निः ।

स्व॒गाकृ॑त्या इति॑ स्व॒गा – कृ॑त्यै । अ॒ग्निश्च॑ । च॒ मे॒ । मे॒ घ॒र्मः॑ ।

घ॒र्मश्च॑ । च॒ मे॒ । म॒ इति॑ । इत्या॒ह । आ॒हैत॑त् । ए॒तद् वै ।

वै ब्र॒ह्मव॑र्चसस्य॑ । ब्र॒ह्मव॑र्चसस्य॑ रू॒पम् । ब्र॒ह्मव॑र्चसस्येति॑

ब्र॒ह्म – व॑र्चसस्य॑ । रू॒पꣳ रू॒पेण॑ । रू॒पेणै॒व । ए॒व ब्र॒ह्मव॑र्चसम् ।

ब्र॒ह्मव॑र्चसम॒व । ब्र॒ह्मव॑र्चसमिति॑ ब्र॒ह्म – व॑र्चसम् । अ॒व रु॒न्धे॑ ।

रुन्ध ऋक् । ऋक् च । च मे । मे साम । साम च । च मे ।

म इति । इत्याह । आहैतत् । 40 (50/57)

**TS 5.4.8.5 - Kramam**

एतद् वै । वै छन्दसाम् । छन्दसां रूपम् । रूपं रूपेण ।  
रूपेणैव । एव छन्दांसि । छन्दांस्यव । अव रुन्धे । रुन्धे गर्भाः ।  
गर्भाश्च । च मे । मे वथसाः । वथसाश्च । च मे । म इति । इत्याह ।  
आहैतत् । एतद् वै । वै पशूनाम् । पशूनां रूपम् । रूपं रूपेण ।  
रूपेणैव । एव पशून् । पशून्व । अव रुन्धे । रुन्धे कल्पान् ।  
कल्पान् जुहोति । जुहोत्यक्लृप्तस्य । अक्लृप्तस्य क्लृप्त्यै ।  
क्लृप्त्यै युग्मदयुजे । युग्मदयुजे जुहोति । युग्मदयुजे इति  
युग्मत् - अयुजे । जुहोति मिथुनत्वाय । मिथुनत्वायोत्तरावती ।  
मिथुनत्वायेति मिथुन - त्वाय । उत्तरावती भवतः । उत्तरावती  
इत्युत्तरा - वती । भवतोऽभिक्रान्त्यै । अभिक्रान्त्या एका ।  
अभिक्रान्त्या इत्यभि - क्रान्त्यै । एका च । च मे । मे तिस्रः ।  
तिस्रश्च । च मे । म इति । इत्याह । आह देवछन्दसम् ।

दे॒व॒छ॒न्द॒स॒म् वै॑ । दे॒व॒छ॒न्द॒स॒मि॒ति॑ दे॒व – छ॒न्द॒स॒म् । वा ए॒का ॥  
 ए॒का च॑ । च॒ ति॒स्रः॑ ( ) । ति॒स्रश्च॑ । च॒ म॒नु॒ष्य॒छ॒न्द॒स॒म् । 41 (50/55)

**TS 5.4.8.6 - Kramam**

म॒नु॒ष्य॒छ॒न्द॒स॒म् च॑त॒स्रः॑ । म॒नु॒ष्य॒छ॒न्द॒स॒मि॒ति॑ म॒नु॒ष्य – छ॒न्द॒स॒म् ।  
 च॑त॒स्रश्च॑ । चा॒ष्टौ । अ॒ष्टौ च॑ । च॒ दे॒व॒छ॒न्द॒स॒म् । दे॒व॒छ॒न्द॒स॒म् च॑ ।  
 दे॒व॒छ॒न्द॒स॒मि॒ति॑ दे॒व – छ॒न्द॒स॒म् । चै॒व । ए॒व म॒नु॒ष्य॒छ॒न्द॒स॒म् ।  
 म॒नु॒ष्य॒छ॒न्द॒स॒म् च॑ । म॒नु॒ष्य॒छ॒न्द॒स॒मि॒ति॑ म॒नु॒ष्य – छ॒न्द॒स॒म् । चा॒व ।  
 अ॒व रु॒न्धे॑ । रु॒न्ध आ॑ । आ॒ त्र॒य॒स्त्रिं॒श॒तः॑ । त्र॒य॒स्त्रिं॒श॒तो॑ जु॒होति॑ ।  
 त्र॒य॒स्त्रिं॒श॒त इति॑ त्र॒यः – त्रिं॒श॒तः॑ । जु॒होति॑ त्र॒य॒स्त्रिं॒श॒त् ।  
 त्र॒य॒स्त्रिं॒श॒द् वै । त्र॒य॒स्त्रिं॒श॒दिति॑ त्र॒यः – त्रिं॒श॒त् । वै दे॒वताः॑ ॥  
 दे॒वता॑ दे॒वताः॑ । दे॒वता॑ ए॒व । ए॒वाव॑ । अ॒व रु॒न्धे॑ । रु॒न्ध आ॑ ।  
 आ॒ऽऽष्टा॑च॒त्वारिं॒श॒तः॑ । अ॒ष्टाच॒त्वारिं॒श॒तो॑ जु॒होति॑ । अ॒ष्टाच॒त्वारिं॒श॒त  
 इत्य॒ष्टा – च॒त्वारिं॒श॒तः॑ । जु॒होत्य॒ष्टाच॒त्वारिं॒श॒दक्ष॑रा ।  
 अ॒ष्टाच॒त्वारिं॒श॒दक्ष॑रा जगती ।  
 अ॒ष्टाच॒त्वारिं॒श॒दक्ष॑रेत्य॒ष्टाच॒त्वारिं॒श॒त्-अ॒क्ष॒रा । जगती॑ जागताः ।  
 जागताः॑ प॒शवः॑ । प॒शवो॑ जगत्या । जग॒त्यै॒व । ए॒वास्मै॑ ॥

अ॒स्मै॒ प॒शून् । प॒शून्व॑ । अ॒व रु॒न्धे । रु॒न्धे वा॒जः । वा॒जश्च॑ ।  
च प्र॒स॒वः । प्र॒स॒वश्च॑ । प्र॒स॒व इति॑ प्र-स॒वः । चेति॑ । इति॑ द्वा॒द॒शम् ।  
द्वा॒द॒शम् जु॒होति॑ । जु॒होति॑ द्वा॒द॒श । द्वा॒द॒श मा॒साः ॥  
मा॒साः स॒म्॒व॒त्स॒रः । स॒म्॒व॒त्स॒रः स॒म्॒व॒त्स॒रे । स॒म्॒व॒त्स॒र इति॑  
स॒म् - व॒त्स॒रः । स॒म्॒व॒त्स॒र ए॒व । स॒म्॒व॒त्स॒र इति॑ स॒म्-व॒त्स॒रे ।  
ए॒व प्र॒ति । प्र॒ति ति॒ष्ठति॑ । ति॒ष्ठतीति॑ ति॒ष्ठति॑ ॥ 42 (49/59)

(वि - वै - य॒ज्ञः - सा॒म च॒ म इत्या॑ह - च॒ तिस्र॑ -

श्रै॒कान्न॑पञ्चा॒शच्च॑) (A8)

**TS 5.4.9.1 - Kramam**

अ॒ग्निर् दे॒वेभ्यः॑ । दे॒वेभ्यो॑ऽप । अ॒पा॒क्राम॑त् । अ॒क्राम॑द् भा॒ग॒धेय॑म् ॥  
भा॒ग॒धेय॑मिच्छ॒मानः॑ । भा॒ग॒धेय॑मिति॑ भा॒ग - धेय॑म् । इच्छ॒मान॑स्तम् ॥  
तम् दे॒वाः । दे॒वा अ॒ब्रुव॑न् । अ॒ब्रुव॑न्नु॒प । उ॒प नः॑ । न आ ।  
आ॒ वर्त॑स्व । वर्त॑स्व ह॒व्यम् । ह॒व्यम् नः॑ । नो॒ वह॑ । वहेति॑ ।  
इति॑ सः । सोऽब्र॑वीत् । अ॒ब्र॒वीद् वर॑म् । वर॑म् वृ॒णै । वृ॒णै म॒ह्यम् ॥  
म॒ह्यमे॒व । ए॒व वा॒जप्र॑स॒वीय॑म् । वा॒जप्र॑स॒वीय॑म् जु॒हव॑न् ।  
वा॒जप्र॑स॒वीय॑मिति॑ वा॒ज - प्र॑स॒वीय॑म् । जु॒हव॑न्निति॑ । इति॑ तस्मात् ॥



तस्मा॑द॒ग्नये॑ ॥ अ॒ग्नये॑ वा॒जप्र॒सवी॑यम् । वा॒जप्र॒सवी॑यम् जु॒ह्वति॑ ।  
 वा॒जप्र॒सवी॑यमि॒ति वा॒ज – प्र॒सवी॑यम् । जु॒ह्वति॑ यत् ।  
 यद् वा॒जप्र॒सवी॑यम् । वा॒जप्र॒सवी॑यम् जु॒होति॑ । वा॒जप्र॒सवी॑यमि॒ति  
 वा॒ज – प्र॒सवी॑यम् । जु॒होत्य॑ग्निम् । अ॒ग्निमे॒व । ए॒व तत् ।  
 तद् भा॒गधे॑येन । भा॒गधे॑येन॒ सम् । भा॒गधे॑येनेति॑ भा॒ग – धे॑येन ।  
 सम॑र्द्धयति । अ॒र्द्धय॑त्यथो॑ ॥ अथो॑ अ॒भिषे॑कः । अथो॑ इत्यथो॑ ॥  
 अ॒भिषे॑क ए॒व । अ॒भिषे॑क इत्य॑भि – से॒कः । ए॒वास्य॑ । अ॒स्य सः॑ ।  
 स चतु॑र्दशभिः । चतु॑र्दशभिर् जु॒होति॑ । चतु॑र्दशभि॒रिति॑  
 चतु॑र्दश – भिः । जु॒होति॑ स॒प्त । स॒प्त ग्रा॒म्याः । ग्रा॒म्या ओष॑धयः ।  
 ओष॑धयः स॒प्त । स॒प्तार॒ण्याः । 43 (50/58)

**TS 5.4.9.2 - Kramam**

आ॒र॒ण्या उ॒भयी॑षाम् । उ॒भयी॑षाम॒वरु॑द्ध्यै । अ॒वरु॑द्ध्या  
 अ॒न्नस्या॑न्नस्य । अ॒वरु॑द्ध्या इत्य॒व – रु॑द्ध्यै । अ॒न्नस्या॑न्नस्य जु॒होति॑ ।  
 अ॒न्नस्या॑न्नस्येत्य॒न्नस्य – अ॒न्नस्य॑ । जु॒होत्य॑न्नस्या॑न्नस्य ।  
 अ॒न्नस्या॑न्नस्या॒वरु॑द्ध्यै । अ॒न्नस्या॑न्नस्येत्य॒न्नस्य – अ॒न्नस्य॑ ।  
 अ॒वरु॑द्ध्या औ॒दुम्ब॑रेण । अ॒वरु॑द्ध्या इत्य॒व – रु॑द्ध्यै ।

औ॒दु॒म्बरेण॑ सु॒वेण॑ । सु॒वेण॑ जु॒होति॑ । जु॒हो॒त्यूर्क् । ऊ॒र्ग्वै ।  
 वा उ॒दु॒म्बरः॑ । उ॒दु॒म्बर॑ ऊ॒र्क् । ऊ॒र्गन्न॑म् । अ॒न्नमूर्जा॑ । ऊ॒र्जैव॑ ।  
 ए॒वास्मै॑ ॥ अ॒स्मा ऊ॒र्जम्॑ ॥ ऊ॒र्जम॑न्नम् । अ॒न्नम॑व । अ॒व रु॒न्धे ।  
 रु॒न्धेऽग्निः॑ । अ॒ग्निर् वै । वै दे॒वानाम्॑ ॥ दे॒वानाम॑भिषि॒क्तः ।  
 अ॒भिषि॑क्तोऽग्नि॒चित् । अ॒भिषि॑क्त इत्य॒भि - सि॒क्तः । अ॒ग्निचि॑न्  
 म॒नुष्या॑णाम् । अ॒ग्निचि॑दित्य॒ग्नि - चि॑त् । म॒नुष्या॑णाम् तस्मात् ॥  
 तस्मा॑दग्नि॒चित् । अ॒ग्निचि॑द् व॒र्षति॑ । अ॒ग्निचि॑दित्य॒ग्नि - चि॑त् ।  
 व॒र्षति॑ न । न धा॑वेत् । धा॒वेद॑वरुद्धम् । अ॒वरुद्ध॑ हि ।  
 अ॒वरुद्ध॑मित्य॒व - रुद्ध॑म् । ह्य॒स्य । अ॒स्यान्न॑म् । अ॒न्नम॑न्नम् ॥  
 अ॒न्नमि॑व । इ॒व ख॒लु । ख॒लु वै । वै व॒र्षम् । व॒र्षम् य॑त् । यद्  
 धा॑वेत् । धा॒वेद॑न्नाद्यात् ॥ अ॒न्नाद्या॑द् धा॒वेत् । अ॒न्नाद्या॑दित्य॒न्न-अद्या॑त् ॥  
 धा॒वेदु॑पावर्तेत् । उ॒पाव॑र्ते॒तान्नाद्य॑म् । उ॒पाव॑र्ते॒तेत्यु॑प - आ॒वर्ते॑त् ।  
 अ॒न्नाद्य॑मे॒व । अ॒न्नाद्य॑मित्य॒न्न - अद्य॑म् । ए॒वाभि॑ ।  
 अ॒भ्युपा॑वर्तेत् । 44 (50/61)

**TS 5.4.9.3 - Kramam**

उपावर्तते नक्तोषासा । उपावर्तत इत्युप – आवर्तते । नक्तोषासेति ।  
इति कृष्णायै ॥ कृष्णायै श्वेतवथ्सायै । श्वेतवथ्सायै पयसा ।  
श्वेतवथ्साया इति श्वेत – वथ्सायै । पयसा जुहोति । जुहोत्यहा ॥  
अह्वैव । एवास्मै ॥ अस्मै रात्रिम् । रात्रिम् प्र । प्र दापयति । दापयति  
रात्रिया । रात्रियाऽहः । अहरहोरात्रे । अहोरात्रे एव । अहोरात्रे  
इत्यहः-रात्रे । एवास्मै ॥ अस्मै प्रत्ते ॥ प्रत्ते कामम् । प्रत्ते इति प्रत्ते ॥  
काममन्नाद्यम् । अन्नाद्यम् दुहाते । अन्नाद्यमित्यन्न – अद्यम् । दुहाते  
राष्ट्रभृतः । दुहाते इति दुहाते । राष्ट्रभृतो जुहोति । राष्ट्रभृत इति  
राष्ट्र – भृतः । जुहोति राष्ट्रम् । राष्ट्रमेव । एवाव । अव रुन्धे । रुन्धे  
षड्भिः । षड्भिर् जुहोति । षड्भिरिति षट् – भिः । जुहोति षट् ।  
षड् वै । वा ऋतवः । ऋतव ऋतुषु । ऋतुष्वेव । एव प्रति । प्रति  
तिष्ठति । तिष्ठति भुवनस्य । भुवनस्य पते । पत इति । इति रथमुखे ।  
रथमुखे पञ्च । रथमुख इति रथ – मुखे । पञ्चाहुतीः । आहुतीर्  
जुहोति । आहुतीरित्या-हुतीः । जुहोति वज्रः । वज्रो वै । वै रथः ।  
रथो वज्रेण । वज्रेणैव । एव दिशः । दिशोऽभि । 45 (50/60)

**TS 5.4.9.4 - Kramam**

अ॒भि॒ ज॒य॒ति॑ । ज॒य॒त्य॒ग्नि॒चि॒तम्॑ ॥ अ॒ग्नि॒चि॒त् ह॑ ।  
 अ॒ग्नि॒चि॒त॒मि॒त्य॒ग्नि॑ - चि॒तम्॑ । ह॒ वै । वा॒ अ॒मुष्मि॑न् । अ॒मुष्मि॑न्  
 लो॒के॑ । लो॒के॑ वा॒तः॑ । वा॒तो॒ऽभि॑ । अ॒भि॒ प॒व॒ते॑ । प॒व॒ते॑ वा॒त॒ना॒मा॒नि॑ ।  
 वा॒त॒ना॒मा॒नि॑ जु॒हो॒ति॑ । वा॒त॒ना॒मा॒नी॒ति॑ वा॒त - ना॒मा॒नि॑ । जु॒हो॒त्य॒भि॑ ।  
 अ॒भ्ये॒व । ए॒वै॒नम्॑ ॥ ए॒न॒म॒मुष्मि॑न् । अ॒मुष्मि॑न् लो॒के॑ । लो॒के॑ वा॒तः॑ ।  
 वा॒तः॑ प॒व॒ते॑ । प॒व॒ते॑ त्री॒णि॑ । त्री॒णि॑ जु॒हो॒ति॑ । जु॒हो॒ति॑ त्र॒यः॑ ।  
 त्र॒य॑ इ॒मे॑ । इ॒मे॑ लो॒काः॑ । लो॒का॑ ए॒भ्यः॑ । ए॒भ्य॑ ए॒व । ए॒व॑ लो॒के॒भ्यः॑ ।  
 लो॒के॒भ्यो॑ वा॒तम्॑ । वा॒त॒म॒व॑ । अ॒व॑ रु॒न्धे॑ । रु॒न्धे॑ स॒मु॒द्रः॑ ।  
 स॒मु॒द्रो॒ऽसि॑ । अ॒सि॑ न॒भ॒स्वान्॑ । न॒भ॒स्वा॒नि॒ति॑ । इ॒त्या॒ह॑ । आ॒है॒तत् ।  
 ए॒तद् वै॑ । वै॑ वा॒त॒स्य॑ । वा॒त॒स्य॑ रू॒पम्॑ । रू॒पम्॑ रू॒पेण॑ । रू॒पेणै॒व॑ ।  
 ए॒व॑ वा॒तम्॑ । वा॒त॒म॒व॑ । अ॒व॑ रु॒न्धे॑ । रु॒न्धे॑ऽज्ज॒लि॒ना॑ । अ॒ज्ज॒लि॒ना॑  
 जु॒हो॒ति॑ । जु॒हो॒ति॑ न॑ । न॑ हि॑ । ह्ये॒तेषा॑म् । ए॒तेषा॑म॒न्यथा॑ ( ) ।  
 अ॒न्यथा॑ऽऽहु॒तिः॑ । आ॒हु॒ति॒र॒व॒क॒ल्प॒ते॑ । आ॒हु॒ति॒रि॒त्या - हु॒तिः॑ ।  
 अ॒व॒क॒ल्प॒त॒ इत्य॑व - क॒ल्प॒ते ॥ 46 (52/55)

(ओष॑धयः स॒प्ता - भि॑ - दि॒शो - अ॒न्यथा - द्वे च॑) (A9)

**TS 5.4.10.1 - Kramam**

सु॒व॒र्गा॒य॒ वै । सु॒व॒र्गा॒ये॒ति॒ सु॒वः॑ – गा॒य॒ । वै॒ लो॒का॒य॒ । लो॒का॒य॒  
 दे॒व॒र॒थः॑ । दे॒व॒र॒थो॑ यु॒ज्य॒ते । दे॒व॒र॒थ॑ इति॒ दे॒व – र॒थः॑ । यु॒ज्य॒ते  
 य॒त्रा॒कू॒ता॒य॒ । य॒त्रा॒कू॒ता॒य॒ म॒नु॒ष्य॒र॒थः॑ । य॒त्रा॒कू॒ता॒ये॒ति॒ य॒त्र-आ॒कू॒ता॒य॒ ।  
 म॒नु॒ष्य॒र॒थ॑ ए॒षः॑ । म॒नु॒ष्य॒र॒थ॑ इति॒ म॒नु॒ष्य – र॒थः॑ । ए॒ष॒ ख॒लु॑ ।  
 ख॒लु॒ वै । वै॒ दे॒व॒र॒थः॑ । दे॒व॒र॒थो॑ यत् । दे॒व॒र॒थ॑ इति॒ दे॒व – र॒थः॑ ।  
 य॒द॒ग्निः॑ । अ॒ग्नि॒र॒ग्नि॒म् । अ॒ग्नि॒म् यु॒न॒ज्मि॑ । यु॒न॒ज्मि॑ श॒व॒सा॑ ।  
 श॒व॒सा॑ घृ॒ते॒न॑ । घृ॒ते॒ने॒ति॑ । इ॒त्या॒ह॑ । आ॒ह॒ यु॒न॒क्ति॑ । यु॒न॒क्त्ये॒व॑ ।  
 ए॒वै॒न॑म् । ए॒न॑ꣳ सः॑ । स॒ ए॒न॑म् । ए॒न॑म् यु॒क्तः॑ । यु॒क्तः॑ सु॒व॒र्ग॑म् ।  
 सु॒व॒र्ग॑म् लो॒क॑म् । सु॒व॒र्ग॑मि॒ति॒ सु॒वः॑ – ग॒म् । लो॒क॑म॒भि॒ ।  
 अ॒भि॒ व॒ह॒ति॑ । व॒ह॒ति॑ यत् । यथ् सर्वा॑भिः । सर्वा॑भिः प॒ञ्च॑भिः ।  
 प॒ञ्च॑भिर् यु॒ञ्ज्या॑त् । प॒ञ्च॑भि॒रि॒ति॑ प॒ञ्च – भिः॑ । यु॒ञ्ज्या॑द् यु॒क्तः॑ ।  
 यु॒क्तो॑ऽस्य॑ । अ॒स्या॒ग्निः॑ । अ॒ग्निः॑ प्र॒च्यु॑तः । प्र॒च्यु॑तः स्यात् ।  
 प्र॒च्यु॑त इति॒ प्र – च्यु॑तः । स्या॒दप्र॑ति॒ष्ठि॒ताः॑ । अ॒प्र॑ति॒ष्ठि॒ता॒ आ॒हु॑तयः ।  
 अ॒प्र॑ति॒ष्ठि॒ता॒ इत्य॑प्रति – स्थि॒ताः॑ । आ॒हु॑तयः स्युः ।  
 आ॒हु॑तय॒ इत्या – हु॑तयः । स्यु॒रप्र॑ति॒ष्ठि॒ताः॑ । अ॒प्र॑ति॒ष्ठि॒ताः॑ स्तो॒माः॑ ।

अप्रतिष्ठता इत्यप्रति - स्थिताः । स्तोमा अप्रतिष्ठितानि ।  
 अप्रतिष्ठितान्युक्थानि । अप्रतिष्ठितानीत्यप्रति - स्थितानि । उक्थानि  
 तिसृभिः । तिसृभिः प्रातस्सवने । तिसृभिरिति तिसृ - भिः ।  
 प्रातस्सवनेऽभि । प्रातस्सवन इति प्रातः - सवने । अभि मृशति ।  
 मृशति त्रिवृत् । त्रिवृद् वै । त्रिवृदिति त्रि - वृत् । 47 (50/65)

**TS 5.4.10.2 - Kramam**

वा अग्निः । अग्निर् यावान् । यावानेव । एवाग्निः । अग्निस्तम् । तम्  
 युनक्ति । युनक्ति यथा । यथाऽनसि । अनसि युक्ते । युक्त आधीयते ।  
 आधीयत एवम् । आधीयत इत्या - धीयते । एवमेव । एव तत् ।  
 तत् प्रति । प्रत्याहुतयः । आहुतयस्तिष्ठन्ति । आहुतय इत्या-हुतयः ।  
 तिष्ठन्ति प्रति । प्रति स्तोमाः । स्तोमाः प्रति । प्रत्युक्थानि । उक्थानि  
 यज्ञायज्ञियस्य । यज्ञायज्ञियस्य स्तोत्रे । स्तोत्रे द्वाभ्याम् । द्वाभ्यामभि ।  
 अभि मृशति । मृशत्येतावान् । एतावान् वै । वै यज्ञः । यज्ञो यावान् ।  
 यावानग्निष्टोमः । अग्निष्टोमो भूमा । अग्निष्टोम इत्यग्नि - स्तोमः ।  
 भूमा तु । त्वै । वा अस्य । अस्यातः । अत ऊर्ध्वः । ऊर्ध्वः  
 क्रियते । क्रियते यावान् । यावानेव । एव यज्ञः । यज्ञस्तम् ।

तमन्ततः । अन्ततोऽन्वारोहति । अन्वारोहति द्वाभ्याम् ॥  
 अन्वारोहतीत्यनु-आरोहति । द्वाभ्याम् प्रतिष्ठित्यै । प्रतिष्ठित्या एकया ।  
 प्रतिष्ठित्या इति प्रति-स्थित्यै । एकयाऽप्रस्तुतम् । अप्रस्तुतम् भवति ।  
 अप्रस्तुतमित्यप्र - स्तुतम् । भवत्यथ । अथाभि । 48 (50/56)

**TS 5.4.10.3 - Kramam**

अभि मृशति । मृशत्युप । उपैनम् । एनमुत्तरः । उत्तरो यज्ञः । उत्तर  
 इत्युत् - तरः । यज्ञो नमति । नमत्यथो ॥ अथो सन्तत्यै । अथो  
 इत्यथो ॥ सन्तत्यै प्र । सन्तत्या इति सम् - तत्यै । प्र वै । वा एषः ।  
 एषोऽस्मात् । अस्माल्लोकात् । लोकाच् च्यवते । च्यवते यः ।  
 योऽग्निम् । अग्निम् चिनुते । चिनुते न । न वै । वा एतस्य ।  
 एतस्यानिष्टके । अनिष्टक आहुतिः । आहुतिरव ।  
 आहुतिरित्या - हुतिः । अव कल्पते । कल्पते याम् । याम् वै ।  
 वा एषः । एषोऽनिष्टके । अनिष्टक आहुतिम् । आहुतिम् जुहोति ।  
 आहुतिमित्या - हुतिम् । जुहोति स्रवति । स्रवति वै । वै सा ।  
 सा ताम् । ताञ् स्रवन्तीम् । स्रवन्तीम् यज्ञः । यज्ञोऽनु । अनु परा ॥  
 परा भवति । भवति यज्ञम् । यज्ञम् यजमानः । यजमानो यत् ।

यत् पुनश्चि॒तिम् । पु॒नश्चि॒तिम् चि॒नु॒ते । पु॒नश्चि॒तिमि॒ति पु॒नः-चि॒तिम् ।  
चि॒नु॒त आ॒हु॒तीना॒म् । आ॒हु॒तीना॒म् प्र॒ति॒ष्ठि॒त्यै ।  
आ॒हु॒तीना॒मित्या - हु॒तीना॒म् । प्र॒ति॒ष्ठि॒त्यै प्र॒ति । प्र॒ति॒ष्ठि॒त्या इति  
प्र॒ति - स्वि॒त्यै । प्र॒त्याहु॒तयः । आ॒हु॒तय॒स्तिष्ठ॑न्ति ।  
आ॒हु॒तय॒ इत्या - हु॒तयः । तिष्ठ॑न्ति न । 49 (50/59)

**TS 5.4.10.4 - Kramam**

न य॒ज्ञः । य॒ज्ञः प॒राभ॒वति॑ । प॒राभ॒वति॑ न । प॒राभ॒वती॑ति  
प॒रा-भ॒वति॑ । न य॒ज॒मा॒नः । य॒ज॒मा॒नोऽष्टौ॑ । अ॒ष्टावु॒प । उ॒प द॒धाति॑ ।  
द॒धा॒त्य॒ष्टाक्ष॑रा । अ॒ष्टाक्ष॑रा गाय॒त्री । अ॒ष्टाक्ष॑रेत्य॒ष्टा - अ॒क्ष॒रा । गाय॒त्री  
गाय॒त्रेण॑ । गाय॒त्रेणै॒व । ए॒वैन॑म् । ए॒नम् छ॒न्दसा॑ । छ॒न्दसा॑ चि॒नु॒ते ।  
चि॒नु॒ते यत् । य॒देका॑दश । ए॒काद॑श त्रै॒ष्टु॒भेन॑ । त्रै॒ष्टु॒भेन॑ यत् ।  
यद् द्वा॑दश । द्वा॑दश जा॒गते॑न । जा॒गते॑न छ॒न्दोभिः॑ । छ॒न्दोभि॑रे॒व ।  
छ॒न्दोभि॑रि॒ति छ॒न्दः - भिः॑ । ए॒वैन॑म् । ए॒नम् चि॒नु॒ते ।  
चि॒नु॒ते न॒पात्कः॑ । न॒पात्को॑ वै । वै नाम॑ । नामै॒षः । ए॒षोऽग्निः॑ ।  
अ॒ग्निर् यत् । यत् पु॒नश्चि॒तिः । पु॒नश्चि॒तिर् यः ।  
पु॒नश्चि॒तिरि॒ति पु॒नः - चि॒तिः । य ए॒वम् । ए॒वम् वि॒द्वान् ।



वि॒द्वान् पु॒नश्चि॒तिम् । पु॒नश्चि॒तिम् चि॒नु॒ते । पु॒नश्चि॒तिमि॒ति॑  
 पु॒नः – चि॒तिम् । चि॒नु॒त आ । आ तृ॒तीयात् । तृ॒तीयात् पु॒रुषात् ।  
 पु॒रुषाद॒न्नम् । अ॒न्नम॒त्ति । अ॒त्ति यथा॑ । यथा॑ वै । वै पु॒नरा॒धेयः॑ ।  
 पु॒नरा॒धेय॑ ए॒वम् । पु॒नरा॒धेय॑ इति पु॒नः-आ॒धेयः॑ । ए॒वम् पु॒नश्चि॒तिः ।  
 पु॒नश्चि॒तिर् यः । पु॒नश्चि॒तिरि॒ति पु॒नः – चि॒तिः । योऽग्न्या॒धेये॑न ।  
 अ॒ग्न्या॒धेये॑न न । अ॒ग्न्या॒धेये॑नेत्यग्नि – आ॒धेये॑न ।  
 न॒द॒ध्नो॑ति । 50 (50/58)

**TS 5.4.10.5 - Kramam**

ऋ॒द॒ध्नो॑ति सः । स पु॒नरा॒धेय॑म् । पु॒नरा॒धेय॑मा । पु॒नरा॒धेय॑मि॒ति॑  
 पु॒नः-आ॒धेय॑म् । आ ध॒त्ते । ध॒त्ते यः । योऽग्नि॑म् । अ॒ग्निम् चि॒त्वा ।  
 चि॒त्वा न । न॒द॒ध्नो॑ति । ऋ॒द॒ध्नो॑ति सः । स पु॒नश्चि॒तिम् । पु॒नश्चि॒तिम्  
 चि॒नु॒ते । पु॒नश्चि॒तिमि॒ति पु॒नः – चि॒तिम् । चि॒नु॒ते यत् । यत्  
 पु॒नश्चि॒तिम् । पु॒नश्चि॒तिम् चि॒नु॒ते । पु॒नश्चि॒तिमि॒ति पु॒नः – चि॒तिम् ।  
 चि॒नु॒त ऋ॒द॒ध्यै॑ । ऋ॒द॒ध्या॑ अथो॑ । अथो॑ ख॒लु । अथो॑ इत्यथो॑ ।  
 ख॒ल्वाहुः॑ । आ॒हुर् न । न चै॒तव्या॑ । चै॒तव्ये॑ति । इति॑ रु॒द्रः ।  
 रु॒द्रो वै । वा ए॒षः । ए॒ष यत् । यद॒ग्निः॑ । अ॒ग्निर् यथा॑ ।

तैत्तिरीय संहिता क्रम पाठे (TS 5.4)

यथा व्याघ्रम् । व्याघ्रञ् सुप्तम् । सुप्तम् बोधयति । बोधयति तादृक् ।  
 तादृगेव । एव तत् । तदथो । अथो खलु । अथो इत्यथो । खल्वाहुः ।  
 आहुश्चेतव्या । चेतव्येति । इति यथा । यथा वसीयाञ्सम् ।  
 वसीयाञ्सम् भागधेयेन । भागधेयेन बोधयति । भागधेयेनेति  
 भाग - धेयेन । बोधयति तादृक् । तादृगेव । एव तत् । तन् मनुः ।  
 मनु॒रग्निम् । अग्निमचिनुत ( ) । अचिनुत तेन । तेन न । नाद्धर्नोत् ।  
 आद्धर्नोत् सः । स एताम् । एताम् पुनश्चितिम् । पुनश्चितिमपश्यत् ।  
 पुनश्चितिमिति पुनः - चितिम् । अपश्यत् ताम् । तामचिनुत ।  
 अचिनुत तया । तया वै । वै सः । स आद्धर्नोत् । आद्धर्नोद् यत् ।  
 यत् पुनश्चितिम् । पुनश्चितिम् चिनुते । पुनश्चितिमिति पुनः - चितिम् ।  
 चिनुत ऋद्ध्यै । ऋद्ध्यया इत्यृद्ध्यै ॥ 51 (67/75) (त्रिवृ - दथ -  
 तिष्ठ - न्यग्न्याधेयेन ना - चिनुत - सप्तदश - च) (A10)

**TS 5.4.11.1 - Kramam**

छन्दश्चितम् चिन्वीत । छन्दश्चितमिति छन्दः - चितम् । चिन्वीत  
 पशुकामः । पशुकामः पशवः । पशुकाम इति पशु - कामः ।  
 पशवो वै । वै छन्दाञ्सि । छन्दाञ्सि पशुमान् । पशुमानेव ।

प॒शु॒मा॒नि॒ति॑ प॒शु॒ – मा॒न् । ए॒व॒ भ॒व॒ति॑ । भ॒व॒ति॑ श्ये॒न॒चि॒त॒म् ॥  
 श्ये॒न॒चि॒त॒म् चि॒न्वी॒त । श्ये॒न॒चि॒त॒मि॒ति॑ श्ये॒न – चि॒त॒म् ॥  
 चि॒न्वी॒त सु॒व॒र्ग॒का॒मः॑ । सु॒व॒र्ग॒का॒मः॑ श्ये॒नः॑ । सु॒व॒र्ग॒का॒म॒ इति॑  
 सु॒व॒र्ग – का॒मः॑ । श्ये॒नो॒ वै । वै व॒य॒साम् । व॒य॒साम् प॒ति॒ष्ठः॑ । प॒ति॒ष्ठः॑  
 श्ये॒नः॑ । श्ये॒न ए॒व । ए॒व भू॒त्वा । भू॒त्वा सु॒व॒र्ग॒म् । सु॒व॒र्ग॒म् लो॒क॒म् ।  
 सु॒व॒र्ग॒मि॒ति॑ सु॒वः – ग॒म् । लो॒क॒म् प॒त॒ति॑ । प॒त॒ति॑ क॒ङ्क॒चि॒त॒म् ॥  
 क॒ङ्क॒चि॒त॒म् चि॒न्वी॒त । क॒ङ्क॒चि॒ति॒मि॒ति॑ क॒ङ्क – चि॒त॒म् ॥ चि॒न्वी॒त  
 यः॑ । यः॑ का॒म॒ये॒त । का॒म॒ये॒त शी॒र्ष॒ण्वान् । शी॒र्ष॒ण्वान॒मुष्मि॒न् ॥  
 शी॒र्ष॒ण्वानि॒ति॑ शी॒र्ष॒ण्ण्वान् । अ॒मुष्मि॒न् लो॒के॑ । लो॒के॑ स्या॒म् ॥  
 स्या॒मि॒ति॑ । इति॑ शी॒र्ष॒ण्वान् । शी॒र्ष॒ण्वाने॒व । शी॒र्ष॒ण्वानि॒ति॑  
 शी॒र्ष॒ण्ण्वान् – वान् । ए॒वामुष्मि॒न् । अ॒मुष्मि॒न् लो॒के॑ । लो॒के॑ भ॒व॒ति॑ ।  
 भ॒व॒त्य॒ल॒ज॒चि॒त॒म् ॥ अ॒ल॒ज॒चि॒त॒म् चि॒न्वी॒त ।  
 अ॒ल॒ज॒चि॒त॒मि॒त्य॒ल॒ज – चि॒त॒म् ॥ चि॒न्वी॒त च॒तु॒स्सी॒त॒म् । च॒तु॒स्सी॒त॒म्  
 प्र॒ति॒ष्ठा॒का॒मः॑ । च॒तु॒स्सी॒त॒मि॒ति॑ च॒तुः – सी॒त॒म् । प्र॒ति॒ष्ठा॒का॒मश्च॒त॒स्रः॑ ।  
 प्र॒ति॒ष्ठा॒का॒म॒ इति॑ प्र॒ति॒ष्ठा – का॒मः॑ । च॒त॒स्रो॒ दि॒शः॑ । दि॒शो॒ दि॒क्षु॑ ।

दि॒क्ष्वे॒व । ए॒व प्र॒ति । प्र॒ति ति॒ष्ठति॑ । ति॒ष्ठति॑ प्र॒ उ॒ग॒चि॒तम् ॥  
 प्र॒ उ॒ग॒चि॒तम् चि॒न्वी॒त । प्र॒ उ॒ग॒चि॒त॒मि॒ति प्र॒ उ॒ग - चि॒तम् ॥  
 चि॒न्वी॒त भ्रा॒तृ॒व्य॒वा॒न् । भ्रा॒तृ॒व्य॒वा॒न् प्र॒ ।  
 भ्रा॒तृ॒व्य॒वा॒नि॒ति भ्रा॒तृ॒व्य - वा॒न् । प्रै॒व । 52 (50/64)

**TS 5.4.11.2 - Kramam**

ए॒व भ्रा॒तृ॒व्या॒न् । भ्रा॒तृ॒व्या॒न् नु॒दते॑ । नु॒दत॑ उ॒भय॑तः प्र॒ उ॒गम् । उ॒भय॑तः  
 प्र॒ उ॒गम् चि॒न्वी॒त । उ॒भय॑तः प्र॒ उ॒ग॒मि॒त्यु॒भय॑तः - प्र॒ उ॒गम् । चि॒न्वी॒त  
 यः । यः का॒मये॑त । का॒मये॑त प्र॒ । प्र॒ जा॒तान् । जा॒तन् भ्रा॒तृ॒व्या॒न् ।  
 भ्रा॒तृ॒व्या॒न् नु॒दे॒य । नु॒दे॒य प्र॒ति । प्र॒ति ज॒नि॒ष्य॒मा॒णान् ।  
 ज॒नि॒ष्य॒मा॒णा॒नि॒ति । इति॑ प्र॒ । प्रै॒व । ए॒व जा॒तान् । जा॒तान् भ्रा॒तृ॒व्या॒न् ।  
 भ्रा॒तृ॒व्या॒न् नु॒दते॑ ॥ नु॒दते॑ प्र॒ति । प्र॒ति ज॒नि॒ष्य॒मा॒णान् । ज॒नि॒ष्य॒मा॒णान्  
 रथ॑च॒क्र॒चि॒तम् ॥ रथ॑च॒क्र॒चि॒तम् चि॒न्वी॒त । रथ॑च॒क्र॒चि॒त॒मि॒ति  
 रथ॑च॒क्र - चि॒तम् ॥ चि॒न्वी॒त भ्रा॒तृ॒व्य॒वा॒न् । भ्रा॒तृ॒व्य॒वा॒न् व॒ज्रः॑ ।  
 भ्रा॒तृ॒व्य॒वा॒नि॒ति भ्रा॒तृ॒व्य - वा॒न् । व॒ज्रो॒ वै । वै रथः॑ । रथो॑ व॒ज्रम् ॥  
 व॒ज्रमे॒व । ए॒व भ्रा॒तृ॒व्ये॒भ्यः । भ्रा॒तृ॒व्ये॒भ्यः प्र॒ । प्र॒ हर॑ति ।  
 हर॑ति द्रो॒ण॒चि॒तम् ॥ द्रो॒ण॒चि॒तम् चि॒न्वी॒त ।

द्रो॒ण॒चि॒त॒मि॒ति॑ द्रो॒ण - चि॒त॒म् । चि॒न्वी॒ता॒न्न॒का॒मः॑ । अ॒न्न॒का॒मो॒ द्रो॒णे॑ ।  
 अ॒न्न॒का॒म इ॒त्य॒न्न - का॒मः॑ । द्रो॒णे॒ वै । वा अ॒न्न॒म् । अ॒न्न॒म् भ्रि॒यते॑ ।  
 भ्रि॒यते॑ स॒यो॒नि । स॒यो॒न्ये॒व । स॒यो॒नी॒ति॒ स - यो॒नि॑ । ए॒वा॒न्न॒म् ।  
 अ॒न्न॒म॒व । अ॒व रु॒न्धे॑ । रु॒न्धे॒ स॒मू॒ह्य॒म् । स॒मू॒ह्य॒म् चि॒न्वी॒त ।  
 स॒मू॒ह्य॒मि॒ति॑ स॒म् - ऊ॒ह्य॒म् । चि॒न्वी॒त प॒शु॒का॒मः॑ । प॒शु॒का॒मः॑  
 प॒शु॒मा॒न् । प॒शु॒का॒म इ॒ति॑ प॒शु - का॒मः॑ । प॒शु॒मा॒ने॒व । प॒शु॒मा॒नि॒ति॑  
 प॒शु - मा॒न् । ए॒व भ॒वति॑ । भ॒वति॑ प॒रि॒चा॒य्य॒म् । 53 (50/59)

**TS 5.4.11.3 - Kramam**

प॒रि॒चा॒य्य॒म् चि॒न्वी॒त । प॒रि॒चा॒य्य॒मि॒ति॑ प॒रि - चा॒य्य॒म् । चि॒न्वी॒त  
 ग्रा॒म॒का॒मः॑ । ग्रा॒म॒का॒मो॒ ग्रा॒मी॑ । ग्रा॒म॒का॒म इ॒ति॑ ग्रा॒म - का॒मः॑ ।  
 ग्रा॒म्ये॒व । ए॒व भ॒वति॑ । भ॒वति॑ श्म॒शा॒न॒चि॒त॒म् । श्म॒शा॒न॒चि॒त॒म्  
 चि॒न्वी॒त । श्म॒शा॒न॒चि॒त॒मि॒ति॑ श्म॒शा॒न - चि॒त॒म् । चि॒न्वी॒त यः॑ ।  
 यः का॒म॒र्ये॒त । का॒म॒र्ये॒त पि॒तृ॒लो॒के॑ । पि॒तृ॒लो॒क ऋ॒द्ध॒नु॒या॒म् ।  
 पि॒तृ॒लो॒क इ॒ति॑ पि॒तृ - लो॒के॑ । ऋ॒द्ध॒नु॒या॒मि॒ति॑ । इ॒ति॑ पि॒तृ॒लो॒के॑ ।  
 पि॒तृ॒लो॒क ए॒व । पि॒तृ॒लो॒क इ॒ति॑ पि॒तृ - लो॒के॑ । ए॒व॒र्ध॒नो॒ति॑ ।  
 ऋ॒द्ध॒नो॒ति॑ वि॒श्वा॒मि॒त्र॒ज॒म॒द॒ग्नी॑ । वि॒श्वा॒मि॒त्र॒ज॒म॒द॒ग्नी॑ व॒सि॒ष्ठे॒न ।

## तैत्तिरीय संहिता क्रम पाठे (TS 5.4)

वि॒श्वामि॒त्रज॒मद॒ग्नी इति॑ वि॒श्वामि॒त्र-ज॒मद॒ग्नी । वसि॑ष्ठेनास्प॒र्द्धेताम् ।  
अस्प॒र्द्धेता॑ꣳ स । स ए॒ताः । ए॒ता ज॒मद॒ग्निः । ज॒मद॒ग्निर् वि॒हव्याः॑ ॥  
वि॒हव्या॑ अप॒श्यत् । वि॒हव्या॑ इति॑ वि - ह॒व्याः ॥ अप॒श्यत् ताः ।  
ता उप॑ । उपा॒धत्त । अध॒त्त ताभिः॑ । ताभि॒र् वै । वै सः ।  
स वसि॑ष्ठस्य । वसि॑ष्ठस्येन्द्रि॒यम् । इन्द्रि॒यम् वी॒र्यम्॑ ॥ वी॒र्यम॑वृ॒ड्त ।  
अवृ॒ड्त यत् । यद् वि॒हव्याः॑ ॥ वि॒हव्या॑ उप॒दधाति॑ । वि॒हव्या॑ इति॑  
वि - ह॒व्याः ॥ उप॒दधा॑तीन्द्रि॒यम् । उप॒दधा॑तीत्युप - दधाति॑ ।  
इन्द्रि॒यमे॒व । ए॒व ताभिः॑ । ताभि॒र् वी॒र्यम्॑ । वी॒र्यम् य॑ज॒मानः॑ ।  
यज॒मानो॑ भ्रातृ॒व्यस्य॑ । भ्रातृ॒व्यस्य॑ वृ॒ड्क्ते॑ । वृ॒ड्क्ते॑ हो॒तुः ।  
हो॒तुर् धि॒ष्णिये॑ । धि॒ष्णिय॑ उप॑ । उप॑ दधाति॑ । दधाति॑ यज॒मानाय॑त॒नम् ।  
यज॒मानाय॑त॒नम् वै ( ) । यज॒मानाय॑त॒नमि॑ति॒ यज॒मान - आय॑त॒नम् ।  
वै हो॒ता ॥ 54 (50/60)

### **TS 5.4.11.4 - Kramam**

हो॒ता स्वे॑ । स्व ए॒व । ए॒वास्मै॑ ॥ अ॒स्मा आय॑त॒ने । आय॑त॒न इन्द्रि॒यम् ।  
आय॑त॒न इत्या॑ - यत॒ने । इन्द्रि॒यम् वी॒र्यम्॑ ॥ वी॒र्यम॑व । अव॑ रु॒न्धे ।

रुन्धे द्वादश । द्वादशोप । उप दधाति । दधाति द्वादशाक्षरा ।  
 द्वादशाक्षरा जगती । द्वादशाक्षरेति द्वादश-अक्षरा । जगती जागताः ।  
 जागताः पशवः । पशवो जगत्या । जगत्यैव । एवास्मै ॥  
 अस्मै पशून् । पशूनव । अव रुन्धे । रुन्धेऽष्टावष्टौ । अष्टावष्टावन्येषु ।  
 अष्टावष्टावित्यष्टौ – अष्टौ । अन्येषु धिष्णियेषु । धिष्णियेषूप ।  
 उप दधाति । दधात्यष्टाशफाः । अष्टाशफाः पशवः । अष्टाशफा  
 इत्यष्टा – शफाः । पशवः पशून् । पशूनेव । एवाव । अव रुन्धे ।  
 रुन्धे षट् । षण् मार्जालीये ॥ मार्जालीये षट् । षड् वै । वा ऋतवः ।  
 ऋतव ऋतवः । ऋतवः खलु । खलु वै । वै देवाः । देवाः पितरः ।  
 पितर ऋतून् । ऋतूनेव । एव देवान् । देवान् पितृन् । पितृन् प्रीणाति ।  
 प्रीणातीति प्रीणाति ॥ 55 (48/52) (प्र – भवति – यजमानायतनम्

वा – अष्टाचत्वारिंशच्च) (A11)

**TS 5.4.12.1 - Kramam**

पवस्व वाजसातये । वाजसातय इति । वाजसातय इति  
 वाज – सातये । इत्यनुष्टुक् । अनुष्टुक् प्रतिपत् ।  
 अनुष्टुगित्यनु – स्तुक् । प्रतिपद् भवति । प्रतिपदिति प्रति – पत् ।

भवति॑ तिस्रः॑ । तिस्रो॑ऽनुष्टु॑भः । अनुष्टु॑भः चतस्रः॑ । अनुष्टु॑भ  
 इत्यनु॑ - स्तु॑भः । चतस्रो॑ गायत्रियः॑ । गायत्रियो॑ यत् । यत् तिस्रः॑ ।  
 तिस्रो॑ऽनुष्टु॑भः । अनुष्टु॑भस्तस्मात्॑ ॥ अनुष्टु॑भ इत्यनु॑ - स्तु॑भः ।  
 तस्मादश्वः॑ । अश्वस्त्रि॑भिः । त्रिभि॑स्तिष्ठन् । त्रिभि॑रिति॑ त्रि-भिः॑ ।  
 तिष्ठ॑स्तिष्ठति॑ । तिष्ठति॑ यत् । यच् चतस्रः॑ । चतस्रो॑ गायत्रियः॑ ।  
 गायत्रिय॑स्तस्मात्॑ ॥ तस्मात् सर्वान्॑ । सर्वा॑श्चतुरः॑ । चतुरः॑ पदः॑ ।  
 पदः॑ प्रतिदधत्॑ । प्रतिदधत्॑ पलायते॑ । प्रतिदधदिति॑ प्रति - दधत्॑ ।  
 पलायते॑ परमा॑ । परमा॑ वै । वा ए॒षा । ए॒षा छन्द॑साम् ।  
 छन्द॑साम् यत् । यदनुष्टु॑क् । अनुष्टु॑क् परमः॑ । अनुष्टु॑गित्यनु॑-स्तुक् ।  
 परम॑श्चतुष्टोमः॑ । चतुष्टो॑मः स्तोमानाम्॑ । चतुष्टो॑म इति॑  
 चतुः॑ - स्तोमः॑ । स्तोमानाम्॑ परमः॑ । परम॑स्त्रिरात्रः॑ । त्रिरात्रो॑  
 यज्ञानाम्॑ । त्रिरात्र॑ इति॑ त्रि - रात्रः॑ । यज्ञानाम्॑ परमः॑ । परमो॑ऽश्वः॑ ।  
 अश्वः॑ पशूनाम्॑ । पशूनाम्॑ परमेण॑ । परमेणै॑व । ए॒वैनम्॑ ।  
 ए॒नम् पर॑मताम्॑ । पर॑मताम्॑ गमयति॑ । गम॑यत्येकवि॑ंशम् ।



ए॒क॒वि॒ं॒श॒म॒हः॑ । ए॒क॒वि॒ं॒श॒मि॒त्ये॒क - वि॒ं॒श॒म् । अ॒ह॒र् भ॒वति॑ ।  
भ॒वति॑ यस्मि॒न् । 56 (50/61)

**TS 5.4.12.2 - Kramam**

यस्मि॒न् अ॒श्व आ॒ल॒भ्यते॑ । आ॒ल॒भ्यते॑ द्वा॒द॒श । आ॒ल॒भ्यते॑  
इ॒त्या - ल॒भ्यते॑ ॥ द्वा॒द॒श मा॒साः । मा॒साः पञ्च॑ । पञ्च॒र्त॒वः ।  
ऋ॒त॒व॒स्त्रयः॑ । त्रय॑ इ॒मे । इ॒मे लो॒काः । लो॒का अ॒सौ । अ॒सावा॑दि॒त्यः ।  
आ॒दि॒त्य ए॒क॒वि॒ं॒शः॑ । ए॒क॒वि॒ं॒श ए॒षः । ए॒क॒वि॒ं॒श  
इ॒त्ये॒क - वि॒ं॒शः॑ । ए॒ष प्र॒जाप॑तिः । प्र॒जाप॑तिः प्रा॒जाप॑त्यः ।  
प्र॒जाप॑तिरि॒ति प्र॒जा - प॑तिः । प्रा॒जाप॑त्योऽश्वः । प्रा॒जाप॑त्य इति॑  
प्रा॒जा - प॑त्यः । अ॒श्वस्त॑म् । तमे॒व । ए॒व सा॒क्षात् । सा॒क्षाद्दृ॑द्ध॒नोति॑ ।  
सा॒क्षादि॑ति स - अ॒क्षात् । ऋ॒द्द॒ध्नोति॑ श॒क्व॒रयः॑ । श॒क्व॒रयः॑ पृ॒ष्ठम् ।  
पृ॒ष्ठम् भ॑वन्ति । भ॒वन्त्य॒न्यद॒न्यत् । अ॒न्यद॒न्यच्छ॑न्दः ।  
अ॒न्यद॒न्यदि॒त्यन्य॑त् - अ॒न्यत् । छ॒न्दोऽन्ये॑न्ये । अ॒न्येन्ये॑ वै ।  
अ॒न्येन्य॑ इत्य॒न्ये - अ॒न्ये । वा ए॒ते । ए॒ते प॒शवः॑ । प॒शव॑ आ ।  
आ ल॒भ्यन्ते॑ । ल॒भ्यन्त॑ उ॒त । उ॒तेव॑ । इ॒व ग्रा॒म्याः । ग्रा॒म्या उ॒त ।  
उ॒तेव॑ । इ॒वा॒र॒ण्याः । आ॒र॒ण्या यत् । यच्छ॑क्व॒रयः॑ । श॒क्व॒रयः॑ पृ॒ष्ठम् ।

## तैत्तिरीय संहिता क्रम पाठे (TS 5.4)

पृ॒ष्ठम् भव॑न्ति । भव॑न्त्यश्व॑स्य । अश्व॑स्य सर्व॑त्वाय । सर्व॑त्वाय  
पार्थु॑रश्मम् । सर्व॑त्वायेति॑ सर्व - त्वाय । पार्थु॑रश्मम् ब्रह्म॑सामम् ।  
पार्थु॑रश्ममिति॑ पार्थु - रश्मम् । ब्रह्म॑सामम् भवति । ब्रह्म॑साममिति॑  
ब्रह्म - सामम् । भवति॑ रश्मिना॑ । रश्मिना॑ वै । वा अश्वः॑ ।

अश्वो॑ यतः । 57 (50/59)

### TS 5.4.12.3 - Kramam

यत॑ ईश्वरः॑ । ईश्वरो॑ वै । वा अश्वः॑ । अश्वो॑ऽयतः । अयतो॑ऽप्रतिष्ठितः॑ ।  
अप्रतिष्ठितः॑ पराम् । अप्रतिष्ठित॑ इत्यप्रति-स्थितः॑ । पराम्॑ पराव॑तम् ।  
पराव॑तम् गन्तोः॑ । पराव॑तमिति॑ परा - व॑तम् । गन्तो॑र् यत् । यत्  
पार्थु॑रश्मम् । पार्थु॑रश्मम् ब्रह्म॑सामम् । पार्थु॑रश्ममिति॑ पार्थु-रश्मम् ।  
ब्रह्म॑सामम् भवति । ब्रह्म॑साममिति॑ ब्रह्म - सामम् । भव॑त्यश्व॑स्य ।  
अश्व॑स्य यत्यै॑ । यत्यै॑ धृत्यै॑ । धृत्यै॑ सङ्कृ॑ति ।

सङ्कृ॑त्यच्छावाक॑सामम् । सङ्कृ॑तीति॑ सम् - कृ॑ति ।

अच्छा॑वाक॑सामम् भवति । अच्छा॑वाक॑साममित्यच्छावाक - सामम् ।

भव॑त्यु॒थ्सन्न॑यज्ञः । उ॒थ्सन्न॑यज्ञो वै । उ॒थ्सन्न॑यज्ञ इत्यु॒थ्सन्न॑-यज्ञः ।

वा ए॒षः । ए॒ष यत् । यदश्व॑मेधः । अश्व॑मेधः कः ।

अ॒श्म॒मे॒ध इ॒त्यश्च॑ - मे॒धः । क॒स्तत् । तद् वे॒द ।  
वे॒देति॑ । इ॒त्याहुः॑ । आ॒हुर् यदि॑ । यदि॑ स॒र्वः । स॒र्वो वा॑ । वा क्रि॒यते॑ ॥  
क्रि॒यते॑ न । न वा॑ । वा स॒र्वः । स॒र्व इति॑ । इति॑ यत् ।  
यथ् स॒ङ्कृ॑ति । स॒ङ्कृ॑त्यच्छावाक॒सामम्॑ । स॒ङ्कृ॑तीति॒ सम्-कृ॑ति ।  
अ॒च्छावा॑क॒सामम्॑ भवति । अ॒च्छावा॑क॒साम॑मित्यच्छावाक - सामम् ।  
भव॒त्यश्च॑स्य । अ॒श्चस्य॑ स॒र्वत्वाय॑ । स॒र्वत्वाय॑ पर्या॒प्त्यै ॥ स॒र्वत्वाये॑ति  
स॒र्व - त्वाय॑ । पर्या॒प्त्या॑ अन॒न्तरा॑याय । पर्या॒प्त्या॑ इति॒ परि-आ॒प्त्यै ॥  
अन॒न्तरा॑याय॒ स॒र्वस्तो॑मः । अन॒न्तरा॑यायेत्यन॒न्तः - आ॒याय॑ ।  
स॒र्वस्तो॑मोऽति॒रात्रः॑ । स॒र्वस्तो॑म इति॒ स॒र्व - स्तो॑मः ।  
अति॒रात्र॑ उ॒त्तम॑म् । अति॒रात्र॑ इत्यति - रा॒त्रः । उ॒त्तम॑महः ।  
उ॒त्तम॑मित्युत् - त॒मम् । अ॒हर् भवति॑ ( ) । भवति॑ स॒र्वस्य॑ ।  
स॒र्वस्या॑प्त्यै ॥ आ॒प्त्यै स॒र्वस्य॑ । स॒र्वस्य॑ जि॒त्यै ॥ जि॒त्यै स॒र्वम् ॥  
स॒र्वमे॒व । ए॒व तेन॑ । तेना॑ऽऽप्नोति । आ॒प्नोति॑ स॒र्वम् । स॒र्वम् जयति॑ ।  
जय॒तीति॑ जयति ॥ 58 (60/76)

(अ॒हर्भवति॑ - वा अ॒श्वो - अ॒हर्भवति॑ - दश॑ च) (A12)

तैत्तिरीय संहिता क्रम पाठे (TS 5.4)

**Prasna Korvai with starting Padams of 1 to 12 Anuvaakams :-**

(दे॒वा॒सु॒रा॒स्ते॒न - त॒व्या॑ - रु॒द्रो - ऽ॒श्म॑ - नृ॒ष॒दे॒ व - डु॒दे॒नं॑ -  
प्रा॒ची॒मि॒ति - व॒सो॒र्धा॒रा - म॒ग्नि॒र्दे॒वे॒भ्यः॑ - सु॒व॒र्गा॒य॑ य॒त्रा॒कू॒ता॒य॑  
- छ॒न्द॒श्चि॒तं - प॒व॒स्व - द्वा॒द॒श )

**Korvai with starting Padams of 1, 11, 21 Series of Panchaatis :-**

(दे॒वा॒सु॒रा - अ॒जा॒यां - वै॑ गु॒मु॒ष्टिः - प्र॒थ॒मो॑ दे॒व॒य॒ता॒मे -  
त॒द्वै॑ छ॒न्द॒सा - मृ॒ध्नो॑ - त्य॒ष्टौ॑ पञ्चा॒श॒त्)

**First and Last Padam of Fourth Prasnam of 5th Kandam**

(दे॒वा॒सु॒राः - सर्वं॑ ज॒य॒ति)

॥ हरिः॑ ओं ॥

॥ इति पञ्चम काण्डे चतुर्थः प्रश्नः - क्रम पाठः समाप्तः ॥

=====

पञ्चम काण्डे, चतुर्थः प्रश्नः – (TS 5.4)

---

**Details of Panchati ,Padam and Krama Vaakyam for**

**Kandam 5 – Prasanam 4 (TS 5.4)**

	<b>Panchati</b>	<b>Padams</b>	<b>Krama Vaakyams</b>
<b>Anuvakam 1</b>	<b>4</b>	<b>191</b>	<b>217</b>
<b>Anuvakam 2</b>	<b>4</b>	<b>189</b>	<b>222</b>
<b>Anuvakam 3</b>	<b>5</b>	<b>230</b>	<b>262</b>
<b>Anuvakam 4</b>	<b>5</b>	<b>249</b>	<b>272</b>
<b>Anuvakam 5</b>	<b>5</b>	<b>240</b>	<b>298</b>
<b>Anuvakam 6</b>	<b>6</b>	<b>310</b>	<b>374</b>
<b>Anuvakam 7</b>	<b>7</b>	<b>371</b>	<b>427</b>
<b>Anuvakam 8</b>	<b>6</b>	<b>299</b>	<b>339</b>
<b>Anuvakam 9</b>	<b>4</b>	<b>202</b>	<b>234</b>
<b>Anuvakam 10</b>	<b>5</b>	<b>267</b>	<b>313</b>
<b>Anuvakam 11</b>	<b>4</b>	<b>198</b>	<b>235</b>
<b>Anuvakam 12</b>	<b>3</b>	<b>160</b>	<b>197</b>
<b>Total →</b>	<b>58</b>	<b>2906</b>	<b>3390</b>